



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

89

P55j  
R

R. 180.922

66-7-4

# IO. FRANCISCI PICI

MIRANDVLAE ET

CONCORDIAE DOMINI,

DE AVRO

LIBRI TRES.

OPVS SANE AVREVM IN QVC

de Auro tùm æstimando, tùm confi-  
ciendo, tùm vtendo ingeniosè  
& doctè differitur.

CVM EXPLICATIONE PERVTI-

li & periocunda complurium, tam Philosophiæ  
quàm facultatis Medicæ arcanorum.

CVM PRIVILEGIO.



VENETIIS,

Apud Ioannem Baptistam Somaschum.

M D L X X X V I.

<sup>MO</sup>  
ILLVSTR. PRINCIPI

ET AMPLISSIMO S. R. E.

CARDINALI

ALOISIO ATESTINIO.



CÆSAR CAPRILIVS

Perpetuam felicitatem.



SEPE NUMERO cumulum  
tuorum erga me memorum Illustris-  
sime Præsul animo reuolui, cœpi me  
cum cogitare, ut aliquod egregium  
ac præclaram tibi præstare possem,  
quo tantorum officiorum magnitudi-  
ni, quoad eius fieri posset, respon-  
derem. Sed profecto non tantum dif-  
ficile, sed difficillimum fore perspexi. Non enim mihi ex-  
cidite memoria, quantum mihi ostenderis humanitatis  
ac beneuolentiæ, cum uiueret Illustris. Eleonora soror  
tua charissima, mihiq; patrona amantissima. Non sum im-  
memor munificentissimi animi tui cum me uoluisti singu-  
lari Canonicatus dignitate decorare. Non deniq; oblitus  
verborum quæ post eius obitum amoris & caritatis plenissi-  
ma mecum habuisti. Utinam mea senilis conditio mihi  
perstitisset, ut sub tuo patrocinio uiuere potuissem, ac mo-  
ri, nunquam equidem tam diuina munus recusaui-  
sem, nec a latere tuo recessissem, simul & quam te merito obser-  
uarem



uarem, & quam in te amando, tibiq; seruiendo nemini cōcederem, omnibus palam ostendissem; sed silentio non preteribo studia, ac officia; quibus non modo omnes, sed me præsertim prosequutus es, dum Romam, ac Tybur, tui inuiscendi causa cum Ill. Beutiuiolis perueni, eum in edib. Tiburtinis te graui morbo conualescentem, sed adhuc paululum in lecto infirmum inuenimus. Primum. n. omnes hilari fronte, ac læto animo, vt tui semper moris est, ex cepisti atque hospitatus es; deinde aliis recedentibus illico me ad te reuocari iussisti, & prope lectum tuum sedere voluisti, ubi per integram horam, quibus uerbis, quo vultu, & quæ mihi polliceri dignatus es, referre non facile est. No uerunt pariter Ill. Bentiuolij, & dum apud te fuerunt, & cū a te recesserunt, qua munificentia & liberalitate a te ipso, & ab omnibus optimatibus tuis amplissimis viris fuerimus suscepti: Inter quos aderat Perillustis Ptholomeus magnus œconomus, Reuerend. Manzolus Regiensis Episcopus dignis. Valde Illustres viri Hercules, & Octauius Estenses Tassonij, Eques Roma, Eques Coloredius comendatarius, Eques Madius, Ill. Giliolius Pignatius, Zōchius, Lombardinius, Bonaciolius, & alij quamplures, qui ob virtutis splendorem, & animi integritatem, apud omnes clarissimi sunt: Quæ omnia ita intimo cordi etiam adhuc hærent, ut nullum umquam tempus, nullaq; umquam obliuio possit tam insignem gratiam e memoria delere; Prætereo honores a te collatos, & conuiuium splendidissimum, tuo sumptu Romæ in amplissimis tuis ædibus Montis Iordani paratum, Dum te faciente Ill. Ioan. Bētiuiolius adolescēs eximia spe, summeq; virtutis, creatus fuit eques Militensis, quo in loco discubere ex altera parte in suprema mensa Ill. orator qui persona Ill. præsidis Militiæ Militensis fungebatur; Deinde post eum cæteri heroes, & Ill. uiri. Altera vero ex parte candidatus adolescens, nosque quamuis reluctantes, ordine in eodem ornatissimi cætus discumbere coacti sumus: Postremo in inferiori loco mē sæ maioris erga nos honoris, gratiæ, ac humanitatis equites, & viri Ill. sedere iussi sunt, vbi Pincerna Architrictinus, & alij

& alij quamplures nobilissimi iuvenes ministrabāt. Quot genera dapum, quæ & quanta a peritissimis eius artibus parata fuerint ornamenta, quæ vina preciosa, qui fructus, quæ bellaria, quo ordine digesta, & qua pompa ordinata, si vellē sigillatim recensere longior mea esset oratio, & nonnullis rerum magnatis assentationis expers non haberet. Quod tamen vitium longe a me semper abfuit, Itaque hæc silentio inuoluam, & reuertar unde digressus sum, Pro tot ac tantis igitur in me singularibus collatis beneficijs ego hominatio quas referam gratias? quid retribuam? Non mihi sunt Arabum gaze, Non gemmæ, Non aurum, non opida, quibus tamen non indiges, cum diuitiarum amplitudine sis nemini secūsus. Quid agam? En tibi offero opus cui inscriptio est de Auro, opus sane aureum, quod olim Ioannes Franciscus Picus Mirandulæ, & Concordiæ Comes compilauit, uxoriq; suæ dicauit, vir sane & eruditissimus, & eius tempestatis facile in omni doctrinarum, & scientiarum genere princeps, quod mihi postquam Picus naturæ concesserat, aliquot post annos perlegendum credidit Ill. D. Iulia eiusdem filia, & quondam uxor Ill. Sigismondi Malatesti, quod cum ipsa e vita excessit, forte apud me relictum est, Ego vero sciens me non esse legitimum hæredem, manifesteq; percipiens quantam esset utilitatē, uirul & voluptatem allaturum & verborum elegantia, & sententiarum grauitate, si in conspectum hominum prodiret, cepi cogitare ne in tenebris diutius iaceret; Publice igitur utilitati consulens, & tanti viri existimationi, ut imprimeretur curauit, eoq; libentius feci; quoniam verebar, ne si forte post meæ vitæ cursum in alicuius inuidi manus peruenisset, illud sibi falso ac impudenter ascripisset, ac arrogasset, acqumq; esset de laboribus, ac vigiliis tanti, & tam preclari viri, Itaque & si multis districtus eram negotiis, id tamen quod datum est temporis libenter in eo recognoscendo & castigando impendebam. Plurimis. n. erroribus scatebat, tam ex parte scribentis dum auctor opus dictaret, quam ex indebita cura circa eius custodiam adhibita. Multę pagine erant e propria sede translata, multęq;

reque adeo latere, ut uix verum sensum artificiali coniectura potuerim elicere, quem tamen tandem percepi, & qua potui diligentia, utquam emendatissimum in lucem prodiret, operam dedi. Quapropter cum nihil aliud impresentiarum in me sit, quo possim tuorum erga me officiorum, ac meritorum magnitudini aliqua ex parte satisfacere, hoc munusculum memoris erga te animi mei argumentum offerre decreui, quod tibi putavi fore gratum, qui & in indagandis naturæ arcanis solertissimus sis, & in omni virtutum genere ornatissimus. Qua de re, quamquam mihi latissimum campum propositum video, ut nemini deesse possit oratio, tacere tamen satius esse duxi, quam pauca dicere. Tot enim sunt uirtutes & laudes, quæ de te ubiq; non iniuria prædicantur, ut in eis recensendis non minus esset laboris, quam si quis velleret vel stellas, uel fluctus maris enumerare. Quis. n. nō diceret me tuam gratiam, qua me tua singulari humanitate & clementia, longe ultra meritum meum prosequeris, expiscari? Tu igitur hoc munusculum hilari fronte accipito, quod profectio quandiu apud me latuit, semper optaui, ut sub tuo nomine ederet, non ut a detractorum moribus illud defendas, cum ipsum sese ab imperitorum insitijs, & ab iis qui & Naturæ vires, atq; artis præstantiam minime calent, facile stueatur: sed ut tanquam noua, pulcherrimaq; sponsa, & multis dotibus ornata, te duce ad suas nuptias prodeat. Ita uel nemo petulantis lingua audebit ipsum maledictis laceffere, ne te quoque quem omnes obseruant & uenerantur, aliquo modo lædat: vel si quis forte, quod Deus nolit, aliquid oblatrare ausus fuerit, facilius sub tuo nomine ac auspitijs, & ipsum se proteget, & multi eius pro tua summa dignitate, sumaq; uirtute, defensionem capient. Vale Amplissime Præsul, Sancte Ecclesiæ firmissimum columnen, meq; ut soles ama. D. Ferrariæ XV. Calen. Ianuar.).

M D L X X X V I.

# TABVLA CAPITVLORVM quæ in hoc volumine continentur.



## LIBER PRIMVS.

<b>A</b> VRVM antiquitus in qua erat estimatione. Cap. I.	I
car.	
Aurum quo ad utilitatem naturæ non tanti debere æstimari. Cap. II.	4
Æstimatio auri non pendet ex medicina. Cap. III.	5
Nobilitas auri non pendet ex eius potabilitate. Cap. IIII.	11
Partes auri & diuturnitas non sunt propriæ causæ eius æstima- tionis. Cap. V.	14
Fulgor non est causæ ut aurum præcellat pretio alijs metallis. Capi- tu. VI	16
Nobilitas auri non pendet ex sacris litteris. Cap. VII.	19
Nobilitas auri non pendet ex concilianda gratia gesianti. Cap. VIII.	20

## LIBER SECVNDVS.

<b>A</b> VRUM an arte confici possit, & de huiusce artis nomine.	
Cap. I.	23
Origine istius artis & progressu. Cap. II.	23
Ars ista an sit legitima uel ne; & quid Principes, & interpretes senferunt. Cap. III.	32
Auro per artem conficiendo quid sentiendum sit ex philosophia na- turali. Cap. IIII.	40
Aurum per artem confici posse. Cap. V.	48
Declaratio sententiæ D. ai Thomæ Aquinatis de auro conficiendo. Cap. VI.	51

Aurum

<i>Aurum arte confectum auro nativo posse esse perfectius. Cap. VII.</i>	
<i>car.</i>	55
<i>Modi quinque auri conficiendi nativo meliores. Cap. VIII.</i>	64
<i>Aurum ut per artem conficiatur, non est necessarium habere profundam cognitionem philosophiæ. Cap. IX.</i>	72
<i>Aurum facilius posse fieri hodie quàm olim: ubi de cinabari, bidar giro &amp; aliis rebus differitur. Cap. X.</i>	77

### LIBER TERTIUS.

<b>E</b> xperimentis antiquis in auro per artem faciendo. Cap. I.	91
<i>Experimentis nostræ tempestatis in auro conficiendo. Cap. II.</i>	
<i>car.</i>	101
<i>Reprehensione eorum qui vituperant artem auri conficiendi.</i>	
<i>Cap. III.</i>	108
<i>Nomen diuitis competere auri faciendo peritis. Cap. IIII.</i>	113
<i>Aurum arte confectum non debere dici fictitium, sed verè &amp; propriè uti nativum. Cap. V.</i>	116
<i>Commonitio Authoris ad eos qui arti chemicæ operam navant, cum dissolutione ouæstionis, cur plurimi istius artis professores sint</i>	
<i>I.</i>	124

F I N I S.



IOAN. FR. MIRAN.  
DOM. CONCORDIAEQ.

COMITIS

DE AVRO AD CONIVGEM

*Liber Primus.*



AVRUM NON SEMPER A PRIMORDIIS  
seculorum ipsiusq; inuentionis initio sic esti-  
matum consensu nationum, vt res  
cæteras metiretur. Cap. I.



*VRVM*, quod olim tanti fa-  
ctum est, tantiq; nunc passim fieri  
cernimus, quamnā ob causam tam  
eximiā estimationem sui mentibus  
humanis inseruerit, insertaq; tena-  
tius infixerit, mihi sepe coniunx ve-  
nit in mentē, vt exactius disputando cognoscere: hinc n.  
id videbā tāta cura, et tā superuacanea queri solere, vt  
meritò priscis ab authoribus latinæ linguae nomē traxis-  
se diceretur ab auertēdis mentibus hominū, tātoq; studio  
quæsitū custodiri, vt iure dederit ansā græcis planè suspi-  
candi deductū nomen ἀπὸ τοῦ ἀφ' οὗ. q. scilicet præ cæte-  
ris custodiretur, indeq; thesauri vocabulum efficeretur,  
Parte alia cum utile fortassis aurū videri posset, nullo  
vero modo necessariū suapte naturæ, sed sola mortalium  
conspiratione progrediebatur animus ultra percupidus,

*A* videlicet

videlicet habēde veritatis. Atq; in primis recordabatur  
semper nō fuisse præfectū aurū ceteris, nō metallis modo,  
sed alijs externis oībus consensu nationū. nā vel expressa,  
vel tacita seculorū omniū cōspiratio, ut alijs rebus, quę di  
cūtur externa preponendū ipsū arbitrarer, mihi omnino  
nō persuadebatur. nulla. n. inter primordia conditi homi  
nis auri mētio, qui & literarū monumētis antiquissimis  
relatū est. sine auro permulta secula vitā homines agita  
se; Nec defuere, qui scripserint paulo ante troiana tēpora  
inuētū aurum ab Eaco, & argētū ab Indo Scythiæ Re  
ge, & qui retulerint acceptū Thoanti, Eacūq; & Eric  
thonio, et qui soli, Et qui Vulcano, Et qui ēt Chryso, cu  
ius opinionis fuit Hypocrates ratus ab inuētore τὸ χρυσόν  
hoc est aurū cognominatū; sciebā quoq; proditū memorię  
aurum in vsum non habitum in Europa, multoq; minus  
conflaturū eius ante Phœnicis Cadmi tempora; Quid? q̃  
auctis ēt græcorū florētibusq; rebus tantū auri nō potuisse  
tota græcia Corradī (retulit Athenæus). ut inaurari ca  
put posset Apollinis amyclæ, Tātāq; raritatē eius, simul  
& caritatē apud Philippū regē fuisse, ut bene sibi actum  
duceret aurea phryala, & ea quidem paruula potiri, quā  
& sub cervicali reconderet. si vera monumentis literarū  
mandavit Duris Sarrinus, quē Philippi morem summę  
licentię miror adscriptum a Plinio; cum in aureum Phi  
lippopoculum inueheretur? Absuerat tantum græcis, ut  
id metalli colerent, quod etiam legibus uti vetuerint, il  
lud

lud ex historijs planè cognitum est, sine aureis argen-  
 teisq; numis & stetisse, & creuisse, Lacedæmona procu-  
 buisse, & corruisse, cum sub Lysandro manubias captis  
 Athenis aureas admisset: Accedebat Plato, qui suis in  
 legibus prohibuit aurum ab ullo priuato possideri: Atque  
 idem et de argento promulgauerat, occurrebat illius ani-  
 mo fortassis rarissimum quondam in græcia fuisse argen-  
 ti atque auri usum, solisq; in templis id videri solitum.  
 Nec nisi in tripodibus & immagunculis, quas primum  
 Lydia Reges Gyges, & Croesus, deinde Siculi tyrani po-  
 suissent, Mox Phocensibus delphos populantibus id me-  
 talli per græciam quoquomodo vulgari cepisse. Nec non  
 ad auri minnendam æstimationem illud mihi succurre-  
 bat, qd apud hebreos in eius copia metalli sit inuentum  
 æs, auro præstantius; Modo retulerit vera Iosephus in  
 septimo & in undecimo antiquitatum: Veniebat et ad  
 memoriã mandatum esse hystorijs ipsa in Italia castris  
 suis interdixisse spartacum, ne quis aurum haberet, aut  
 argentum. Et post innumera tot seculorum curricula per-  
 seuerasse apud nonnullas Asiæ, & Apbricæ gentes, ut alię  
 paruo duxerint aurum, aliæ pro nihilo et habuerint, ac  
 in India, quæ putatur auri feracissima, si de ea parte,  
 quam vicit Alexander Macedo, faciamus mentionem,  
 non fuisse aurum ex eius rerum gestarum græcis scripto-  
 ribus accepimus, tamen si directæ perfide tantum auri  
 nactum regem ipsum, ut ad illud cõuehendũ vix fuerint



*satis mulorū triginta millia . Colligamus igitur cōuenisse quidē mortales, ut aurū nimio plus estimarēt, cur aut cōuenerint non constare, nec ratum semper statumq; fuisse, ut omnibus in uniuersum nationibus placuerit aurum mensuram esse rerum cæterarum.*

QVOD NON TANTI VT FIT DVCENDVM  
sit aurum ex utilitate de rei natura petita. Cap. II.



*Inimi verò ducebā argumētum, quo persuadere vulgi hominibus quidā sunt adnixi, Plurimū esse & sui mortalibus aurū. Nā cōtra ipse ferrum obijciebā, sine quo nec agricultura consistit, ars non minus necessaria, q̄ cōis; Atq; ut ait Xenophon omniū artiū mater, & nutritrix, sed nec edificatoria satis extruitur, nec Nautica planè custoditur, ut omittā militārē, quæ tamen si nocet quibusdā, non tamē oībus suffragabatur statim nobis hemistichion illud, ferroq; nocentius aurum, atq; d. Etum aliud, non absimile, euro ferrum inter bella gratius.*

*Proximūq; huic accedebat id elogiū, profcissum esse conuiuijs aurum ab optimis quibusq; & ad perniciem vitæ repertum, subinde quoque recordabar & miratam olim uetustatem, & indignatam simul, q̄ prius tenuerit aurum, cum id eludere niteretur sub Mide fabula; cui nihil omnino solidæ opis ad vitam congesta moles*

moles auri præstieisset. Porro usus in rebus commutandis pollens causa non fuerit auri tantopere aestimandi, cū antiquissimi Reges, non aurum & argentum, sed æs planè signarent, cuius rei ferunt inuentorem saturnum, à quo sit etiam nuncupatum ærarium, quod Cæcilio Cipriano placuit, quamq; scribunt alij signanda monetæ principem fuisse Ianum saturni æqualem, & hospitem, qui nauim, qua vectus ille fuerat numis impresserit, Apud Romanos quoque primum æri fuit inusta nota, deinde argento, & aliquot post annos auro, quandoquidem Primus Romanorum septem Regum Seruius inussit æri notam, Primus consulum fabius argento, mox & aurum quoque signatum.

QVOD AESTIMATIO PRAECELLENS  
auri non pendeat ex medicina. Cap. III.



VÆ verò de medica facultate summebantur à me, contra me ipsum Epicheremata quæpiam communia, & ex letitia, & ex ope temperamenti corporei de longinquo ducta pro me quoque ex eadem facultate desumebantur, contraria quandoquidē ex aggestis aureis numis illa letitia est tantisper, dū subit animū diuitis posse alia quæ sibi placeāt numorū erogatione cōparari, sed imaginationis, et cogitationis, et animi hoc propriū

A iij est,

est, non temperaturę corporeę, quę de crassa seculentaq; materia diffultat : huc accedit, quod multa sunt quę humane corporum temperationi prodesse dicunt magis, atq; etiā à medicis antiquioribus laudata magis ad uitam refocillandam, & vires commodo sufficiendas, quorum facilius multo, minorique impendio compotes efficimur ; Neque enim ulla metalla nutriunt, ut est apud peripatheticos antiquiores receptum, Nequeunt enim concoqui sic, ut in carnem uertantur, & sanguinem. Quod & comprobatum est experimentis eorum, qui bellorum turbinibus, & regionum vastitate perculsi, subterraneis in specubus oculentes sese, numos aureos complicatos instar Cataportij dimiserunt in ventrem, Mox eos suo pondere, suoq; colore compererunt. Et si quid forte deperijt absumptumq; fuit innato calore, id quidem parum, alioqui optimum extitisse uitę remedium Iudęis, dum Hierosolima obsideretur ad Titum Cesarem confugientibus, si aurum concoqueretur, sic uti nutrirēt & glucientes, namq; non fuissent ab auarissimis Assirijs, & Arabibus dissecati, ut aurum quod ante demiserant in uentrem eorum in uisceribus inuenirent ; Quorum tam ingens numerus, ut una nocte duobus hominum millibus sint intestina concisa, cuius rei auctor est Josephus confirmator Egesippus : miseris igitur illis in uentriculo condebantur aurei numi, tanquam in arca, non summe-

summebantur ad famem tolerandam, quoniam diffusam per totum corpus, & modificati fuissent ceterorum instar eduliorum. Quid? quod nec odore quoque mulcet aurum, nec sapore fouet eos vapores, qui de humanis tolluntur corporibus, à medicis spiritus nuncupati, quin etiam ingrato sunt sapore metalla omnia. & odore sulfureo, atque ideo non possunt quoquomodo non obesse ijs, qui ægre decumbunt, tantum abest, ut abeuntem animam suo delinimento retineant; Extat magni Alberti sententia generatim lata, sapores, & odores omnium metallorum esse quoquomodo fætidus, tametsi ut minimum odoris, ita minimum insit fetoris in auro, propter coalitam sulphuris in temperatione ipsius eximiam subtilitatem: sunt autem, quæ & olfatu non solum, sed gustu magis opitulentur sanis æque, & ægrotis, ac minori quàm aurum precio veneant; Cum vero sese ingereret memoriæ Plinium scripsisse quendam vulneratis aurum applicari, & infantibus contra veneficia, ut minus nocerent, alijs quoque nonnullis operam ferre, Non excidebat etiam memoria, plures ab eodem Plinio (si magno ille præiudicio nobis esse quiret, vituperationes auri quàm laudationes esse perscriptas, Nec non illum mandasse chartis auro virus quoddam inesse, eamq; in primis ab eo proditam recordabar clausulam, cui enim fodiendi causâ medicina? à qua si non excludit aurum postea aliorum certe, ut ei mos perpetuus id fa-

Etum est, auctoritate. Citat. n. Varronem, cuius tamen  
 etatis vir, & in medicamateria præcipuus, Dioscorides  
 nullius ex auro medicina protulit experimenta, Dixi eta  
 te Varronis Dioscoridem uixisse, communem secutus  
 opinionem, & Suyde monumenta, & si scio esse, qui  
 malunt etate Plinij fuisse Dioscoridem propter Lienij  
 Bassi mentionem, sed vellem eos animaduertisse, vixisse  
 quoque Dioscoridem Arrij tempore, cui dicat volumen  
 de simplici medicina, Arrij dico non eius, quem de aspi  
 ratione Catullus irridet: Nec eius, qui nostræ religio  
 nis hostis acerrimus blasphemias in Christum Domi  
 num peruicacissime iecit, sed eius qui Alexandrinus  
 pariter fuit, & Augusto Cesari post partam victo  
 riam de Antonio & Cleopatra magno est habitus ho  
 nore, sed siue antiquior Plinio Dioscorides, siue aequa  
 lis parum videtur referre, Varro certè triumphali pro  
 scriptione consumptus est, & sub Antonio triumpho  
 floruit ipse Dioscorides, à quo deinceps græcia latinæ  
 barbarices, medicamateriam accepit, atque id qui  
 dem priori damus opinioni: posteriori vero, quod apud  
 Plinium Dioscoridis est mentio, siue antiquioris, siue  
 proximi, siue maius equalis. Hic sanè Dioscorides cu  
 iusvis seculi vir fuerit, multa tradidit propriis capitibus  
 argenti vini, æris, ferri, plumbi medicamenta, non au  
 ri: Atque eius etiam vix meminuit in hydrargyro, ea de  
 causa, quod si haustum fuerit, nocueritque, ei malo au

rir amenta succurrant, atque hoc inter tractandum  
 medicam materiam; Dum vero differit de venenis aco-  
 nito dicit repugnare merum in quo candens aurum sit  
 extinctum, at hoc non illi proprium dicit, sed communē  
 esse medellam argento, ferro, ferriq; scorie, qua tantū-  
 den polleant, idq; Paulus Ægineta recipit differens de  
 venenis, Galenus longe iunior Dioscoride, neque de pote-  
 state simplicium medicamentorum differens, neque de  
 compositura ipsorum, auri meminit, quantum ipse me-  
 minerim: Nec ignoro Nicandrum Colophonium cecinif-  
 se in Alexipharmacis aurum vel argentum prodesse, nā  
 siue quod Poeta fuerit, siue quod à Dioscoride, & Ga-  
 leno, tanti factus non sit, ut eius testimoniū ac in causa  
 pro legitimo citaretur, siue quod argentum eque ac aurū,  
 ἰσχυρὰ καὶ τοῦ αὐτοῦ scribes valere, parum videtur habere  
 momenti; Nam signat turbidum effici liquorem metal-  
 lo, eundemque potari: sed ego tamen non abnuerim aurū  
 medicam vim obtinere; sed quantula quæso portio repe-  
 rietur si conferamus id innumerabilibus rebus, quibus  
 inest potestas medendi, abigendique venena? par sis de  
 argento, iudicium. Quod si nec medicæ fert opem facul-  
 tati, nec voluptati confert: Unde quæso illa cōis tot uaso-  
 rū siue aureorum, siue argenteorum conquisita per tot la-  
 bores aggestio? Videtur enim mensa argenteis sal-  
 tem vasis instructa designari nobilitas: At Virru-  
 ni in octauo libro, de aquis differens ad calcem

cum

*cum meminisset, ostendissetq; plumbo inesse vitium, proptereaque fistulis eius aquas infici, plane subiunxit saporem argenteum solere vitari: Cum ij qui extructas haberent argenteorum vasorum mensas, tamen propter saporis integritatem fictilibus uti consueissent; Quibus certè consentiunt multi nostræ tempestatis principes, qui posthabitis ad mensarum usum argenteis, & crateris, & patinis, præoptant sibi ad ferculorum mondi-  
 ciem fictilia uasa ex India, Æthiopia, Ægypto com-  
 portata, quæ si defuerint, prusiaca malunt ex Bythi-  
 nia conuecta, tametsi non sint figulis nati genitoribus, ut ille de Agathocle cecinit, qui propterea samia uasa prætulerit argenteis, Iam triumphator Antonius, qui au-  
 ctore Messalla in omnibus obscenis desiderijs non ute-  
 batur nisi auro, saporem auri non concupisse proditur, reiecisse autem uidetur Propeia Neronis, quæ soleas ex auro suis quadrupedibus nobilioribus induit, Non ignoro medicos Arabas mandasse literis, aurum quam quam non nutrit, mulcere tamen oculos. Adde ego & imaginariam uim ratione iam explicata, tanti ne igitur faciendum, ut metiatur omnia? cordis tremori opem ferre quoquomodo credam naturali usus ratione? neque enim consequitur, ut antea dicebamus, ut frustra uideantur illa uerba Nicandri.*

EX POTABILI AVRO NON PENDERE  
præcipuam ipsius metalli nobilitatem.  
Capit. IIII.



ÆC ego non decernendo, sed disputando perstrinxerim quando & potabili auro dicuntur uti quidam ad omnes tollendas ægritudines, & sanitatem tuendam, atque ad uitam quantum per vires naturæ licet prorogandam. Ego uerò, ut id non abnuerim sic assruerim posse id ipsum ab ijs, qui contradicendi peritia polleant in controuersiam duci, forte dicent constare satis apud eos, qui propinant aurum, id quidem proprie non potari, sed eius portionem subtiliorem purioremque coniunctæ essentiae nuncupatione signatam. Verum super ipsa quinta essentia corporum superiorum, cum multa sint bella pugnata inter maximos philosophiæ duces, quorum milites adhuc confligant, à quo nam steterit uictoria, certè non assentiuntur Platonici, & peripatetice scolæ, cuius principem optasse potius illam quintam naturam quam probasse contendunt, nec sine admissis quinque suppositionibus quicquam habere iurium, & si cælo inquierent ea non conceditur, concedetur ne ijs, quæ sub cælo sunt de elementis coalita? Nam siue ex melle, siue ex sulphure, & hydragyro,



drargyro, siue ex aqua Stillati meri, siue ex terra quadam secreta, seu maius ex nobilissimo quoddam genere calcanti, per multos traduces attenuati, potabile colligerint aurum, subtiliorem inde vim detrahi fatebuntur; Quintam essentiam detrahi non assentientur, quam si corrogare illi voluerint ex effectibus elementarijs, quos in ea non reperiri prædicabunt, præsto erit responsum, ut contendant illos apparitionem pro re suggerere concursibus quoque causarum diuersis, & in unum conflatis atque refractis tribuent effectus, quos & aliæ res promere queant: Deinde si gratis id condonent peripateticis quomodo alteri eorum dogmati non obnunciauierint, id est ex metallis animalia non viuere; Verum ut rixantibus inter se medicis finiendam litem relinquant, sic asserent quascumque rationes ad hanc diem perpenderit potabilis auri faciendi. eas quidem ad aurum per se bibendū non pertingere: Liquet enim ab eis solere deduci aurum in cinerem, seu calcem dicere maluerint, quod multis fit modis, adeo ut reducere in pristinam formam, si forte libuerit, aut nullo id modo possis, aut egre, si quidem abcessit humor, quem si funditus dempseris, aurum sustulisti. Est Aristotelis, Theophrasti; decretum, metallis omnibus sic inesse liquorem, ut eo constituatur ipsorum natura, & à natura lapidum aperte dirimatur. Igitur adijcient ipsi, non bibetur aurum, sed eius rei, quæ fuit aurum, portio liquore dissoluta extraneo, cui

potestas

potestas insit inter molliendam, attenuandamq; auri cal-  
cem, quidpiam excerpere, quod bibi possit, sicut etiam  
in gemmis pollicentur, quas bibi proprie non posse, nemo  
est qui nesciat, quod si dixerint defensores, aliis etiam  
modis aurum liquefcere, non inficias quod iuerint op-  
pugnatores, sed asseruerint id fieri uel aquis consumptri-  
cibus, accedente sale uarij generis, uel succis mordaci-  
bus, ita ut vis inferratur auro, tollaturq; de sua sede,  
quam ei fuerat largita natura, proinde contendere quic-  
quam non acquirere illum, propterea ut constituatur hu-  
manæ seruendæ naturæ sincerius. Nam si de auri na-  
tura in se se mentionem habeas, ea non erit apta nutritio  
ni, quemadmodum ante deductum est ex peripato, si de  
admixta loquaris natura, ea etiam ipsi dicent, se indice  
non erit aurum: constat enim propinari liquorem, qui  
guttatim ex vitreis cassis fluxerit, dum ignis calore va-  
pores in sublime delati vertuntur in aquam, & alia mi-  
sceri, quæ de reliqua petuntur medicinæ facultate id ve-  
ro si uel aurum sit, uel gemmas bibere, cur non ij dicen-  
tur excrementa libere, qui bibunt uinum eductum solo  
excrementorum uaria congerie ad id muneris pingue-  
facto? Egi causam eorum, qui aurum potabile uellent  
disspendere, quod ego quidem colligere maluerim, et  
optarim egregie posse ad nostri corporis aliorumque sa-  
lubritatem, præcipue cum satis constet Antonium chi-  
rurgum nostrum superioribus annis matronam ex foro

Cornelii pthisi morientem paucis diebus ab ipsa tabelle-  
 ram sanitati pristinae restituisse, solo potabili auro,  
 quod ex ipsius patris Nicolai, cuius mentio fiet libro ter-  
 tio confecerat disciplina, qua de re mihi sermo futurus  
 amplior in eis voluminibus, quæ inscripti de ueneno-  
 rum remedijs, & adhuc sub incude premuntur, sed sit  
 collectum aurum, sit etiam potui datum ad salubrita-  
 tem, fortassis inde manauerit tanta nobilitas auri, tan-  
 ta conquirendi eius fames & rabies? Cum libra una  
 eius metalli soluta in humorem, uel uni non Regi  
 modo, sed regioni mederi queat, & inter mille  
 mortalium Miriadas uix inuenias quindecim viros,  
 qui aurum potabile querant, & inter illos uix duo  
 sunt qui potionis aureæ conficiende scij, gnarique  
 sint.

QVOD ET AVRI PURITAS ET DIVITVR-  
 nitas proprie, non sit causa ut fiat ab homini-  
 bustanti. Cap. V.

**A**M si puritas auro precipuam  
 authoritatem conciliaſſe credatur,  
 cogitemus hac in re subeſſe falla-  
 ciam, ſi quidem & ſordet, & tin-  
 git minus forte quam cætera metal-  
 la, ſed tingit tamen, & contrectan-  
 tes inquinat propter ſulphur, quod non ei ſolum qua-  
 litate

litate miscetur, sed ipsa substantia, uti prodidit Al-  
 bertus literis, & conuincitur experientia, proindeque  
 fortassis Ægyptius Hermes nomine sulphuris aurum  
 expressit, Num quesouitri quàm auri maior est puri-  
 tas? Et hinc princeps ille Romanus formidauerit ne si  
 flecti posset, ut caperat, & malleum sustinere perseue-  
 rasset, primas eriperet auro partes, & omnibus metallis  
 viam præcluderet in mercimonijs, At diuturnitas eius  
 celebratur, sed succurrat menti diuturniores esse lapides,  
 & maiore habitos precio, qui nec sentiunt limam, nec  
 ignem, nec ulla omnino contrahunt recrementa, nec sor-  
 dibus maculant contrectatores, quæ nequeunt euitari si  
 triueris diutius: At fundamenti aurum non funduntur  
 lapides, num hoc omnibus metallis commune? quæ  
 cum propterea in usum numismatum fuerint recepta,  
 ut sint incommutandis rebus tanquam vadium, post  
 positumque aurum hac in re fuerit olim æri, & argen-  
 to uidetur id ipsius detrabere gratiæ, & detrabere  
 utilitati; Nouimus enim quod ante subindicauimus re-  
 latum esse monumentis literarum, æs Romæ primum  
 à Seruio Rege signatum fuisse, & Pop. Rom. ne argen-  
 to quidem signato usum, ante Pyrrhi bellum post an-  
 nos circiter sexcentos ab urbe condita; Quandoqui-  
 dem sub Fabio consule indita est ei metallo nota, mox  
 & auro, elapsis annis plus sexaginta, populus idem  
 victor Carthagini, ceterisque nationibus imperauit,

*ut penderent argentea tributa, non aurea, ut non solum diuturnitas metalli, sed eius usus in causa esse nequeat, cum & aes signatum, & signatum argentum, diuturniora etiam sint habita penes externas nationes, sic transalpini, Galli communi argenti nomine pecuniam signatam expresserunt, a principe philosophorum, Platone minus estimatam, quippe qui legem tulit ei, quam instituebat, ciuitati, ne preciosis uteretur nummis, sed talibus ut contemneretur à ceteris gentibus, ne in congregandis aureis, & argenteis insaniret. Atque hinc fortassis a Lyrico cantatum est aurum, & inutile, & summi materię mali.*

FVLGOREM NON ESSE IN CAUSA VT  
aurum precio, rebus alijs antecellat, siue quia alle-  
ctet oculos, siue quia non deterantur, &  
dilatentur. Cap. VI.



*ED* oblectat inquit oculos auri  
color suavis, Plinius negauit hoc,  
& illi argentum antetulit fulgore,  
qui sit diei similior, & militaribus  
signis, quoniam longius emicet fa-  
miliarior, Neque aurum simili-  
tudine syderum, ceteris prelatum metallis arbitratur,  
cum & in gemis, alijsque rebus color ille non sit preci-  
puus, tantum abfuit, ut aurorę colorem, unde quibus-  
dam

dam placuit aurum nuncupari cepisse preferret omnibus, cur autem id credidisset in causa fuisse nomenclaturæ, cum rescire facile potuisset non displicuisse bonis auctoribus, à Sabinorum lingua, qui dicebant, *austum*, una permutata littera trāslatum uocabulum fuisse, ut cumque fuerit, oculos Plinij plus auro delectabat argentum, qua in re si quod scripsit, sentiebat, improbari non potest, sed censuram planè perpeffus est, cum prodidit aurum pondere superari à plumbo: reclamant enim posteritatis experimenta: dum vero minimum auri deperire usu censuit, meminisse poterat digitorum attritu, & aureum consumi numum, & anulum, & quòd minimum est, non esse nihil: fuere & qui aurum ab igne nullum pati detrimentum rati sint, Aristotelis in tertio metheororum auctoritate nixi, quæ quidem auctoritas, aut non solida est, aut non rite percepta. conuincitur enim experimentis, habet suum minui auri pondus igne vehementi maximeque diuturno, proditum quoque litteris, & ætate nostra comprobatum est, aurum uanescere in igne positum quodam permixto puluere, quo non urbani modo, sed rustici, atque eorum muliercule possunt abundare, compertum item paruare in hominum usu præcipue versata detrabi fuluum colorem auro, nec unquam reddi posse, ubi semel detractum est, manente colore aureo apud eum puluerem, cuius iniectu rutillus ab illo fulgor

*abcessit ; Quod vero late dilatetur , & texatur in telas aurum hoc illi est cum argento commune . Denique ne longius euager, quicquā non reperi, quod sic solida basi niteretur , ut inde trahere possent gentes desiderij sui validas rationes in auro tantopere aestimando , idque tam auda fiti perquirendo , ut quidam propterea semet in excavatos montes inferentur : Nonnulli sese in profundissimos specus , quos appellant puteos demitterent , alij ex fluminibus ramenta eius colligere satagerent , alij ad extremas Indie plagas , uel per exustam solibus Æthiopici litoris oram , uel per Zephyrum in auroram ad antipodas nauigarent , nec id quidem ut uel aurum obrizum greco nunc utor uocabulo pararent sibi uel colophone quondam elaboratum , uel uti nunc solet Lutetiae Parisiorum , sed rude corpus auri crassamque materiam , proinde non temere inuenies quid homini auido cuiusque rei naturæ cognoscende satisfaciat : unde tanta sit eius habendi, cupido, cum non tanti sit eius usus , quanti est precium , quoniam iam hominum maxima pars humana omnia dimetit, & ut non diuina sub eadem mensura clausisset .*



QVOD AVRI PRECIPVA NOBILITAS NON  
pendeat ex sacris litteris. Cap. VII.



*I*AM nec æstimationis precium de sacris litteris pendebit : nam & si diuturnitas diuinitus in eis mandatum legimus, multa ex auro puro fieri debere ad iudaici templi cultum, solemnesque cerimonias. Item que sic cantatũ à Propheta nouimus : dabitur ei de auro Arabie. Meminisse tamen debemus eorum, que supra Iosephi testimonio signauimus, hoc est aliquod æs auro melius esse, ex quo inter Dauidis manubias inuento scripsit Solomonem in templo fecisse uas, quod mare magnum appellaretur, Esdram Xersis tempestate custodibus pecuniarum ex genere sacerdotum restituisse uasa ærea, que penderent, duodecim talenta, & æstimarentur auro meliora. Debemus etiam nouisse mysticis uelaminibus auro sapientia sacris litteris significari, argento eloquentiam, intelligentieque lumen comparatum, auro eo esse splendidius quo minus terream faculentiam admiserit, instar auri, quod in Arabia solere nasci mandatum est litteris, suapte natura purum nullo ignis usu, propterea que uocatum apyron, ut est a Diodoro proditum memorie. Nec sint ad presens delibata uti mittam quò dea est Deus



bonitate quod se se testante, chrysostomo demiserit ad humanam infirmitatem multis in rebus, quæ ad communes gentium usus pertinebant? Quid? quod ei sdem ex litteris auri sepe reiectam & improbatam deprehendas æstimationem, sic apud Oseam prophetam aurum suum fecerunt sibi Idola, sic Petrus Apostolus aurum atque argentum nuncupavit corruptibilia, sic Iacobus aurum scripsit eruginem contraxisse, ut propterea iure id non mediocrem debeat admirationem parere in animis eorum, qui æqui sint rerum æstimatores, unde nam tanta sit cupiditas, cum suapte natura aut nulla sit eius utilitas, aut parua, aut certe non magna, quando & alijs rebus ea, quæ auri sunt, inueniantur communia, & à multis, quas aurum metitur rebus egregie superetur.

QVOD AVRI NOBILITAS NON PENE-  
deat ex concilianda gestanti gratia.

Cap. VIII.



Ninvero quis tam habes, ut credat auri. conquisitores quæsiuisse gestatione illius, sibi gratiam conciliari? relatum enim est monumentis, sed inanibus ex auro, quod non esset ignem expertum, confici solere unguentum, cuius usus gratiam magorum suafu compararet ijs, qui heliobryso herba coronarentur? largitione, ut mihi quidem

dem uidetur auri, non gestatione conciliari gratia solet, inuidia uero conflare ob aggestos numorum aureorum, cumulos, tantum abest ut amor & beneuolentia propagetur, præter hæc, quis nam mortalium magicis uanitatibus adstipulatur sic, ut sciat unguentum illud aureum conficere, ut sciens eius artificij sit quorumcumque uel ex antiquitate, uel ex nostra etate, propter eam causam querit aurum, tum si querat, quem nam reperies heliochryso coronatum herba, & unguentatum apyrometallo gratiam per populos, & per aulas regias emendicare? Vnde nam igitur tanta increuit cupiditas auri ut nulla euidenti causa compulsi homines, præterquam quod ita inter eos tacita quadam & minus necessaria, & utinam non perniciofa conspiratione conuenit, ut aurum ipsum rebus ceteris omnibus anteponant, nec contenti uel specubus dalmaticis uel callaccis antris, fluentumq; gurgitum aureis arenis, nec eis etiam navigationibus, quibus abisque Solomonis tempestate petebatur aurum, curarit ipsum per artem fieri, domiq; tot labores pro auro factitio sæpe non pauciores, aut leuiiores quam pro natiuo navigationes & bella pleriq; susceperint: uidemus enim plerosque non manibus modo nauare operã, ut per res metallicas igne adfito parent aurum, uerum & compositiones innumeras conquirere, uel singularia scrutari placita philosophorum, ut auriferos pulueres, lapidesue conficiant, siue ij, ut uulgus loquitur sint mine

B iij rales,

rales, dici latine metallici deberent, siue vegetabiles,  
 hoc est ex herbis & stirpibus, siue animales, hoc est ex  
 animantibus educti, siue mixti ex duobus uel tribus, si-  
 ue conflati ex re communi uel aerea, uel terrea: unde  
 & metalla, & stirpes, & animalia duxerint origi-  
 nem. Audiui enim inter viuos adhuc versari homi-  
 nem, qui se iactauerit eius artis, legisse octingenta volu-  
 mina, & præterea scedas innumeras excussisse, ut ad  
 triginta septem millia compositionum numerus proten-  
 deretur, certe non ut conciliaret sibi gratiam eius gesta-  
 tione, sed ut corrogatis, quæ sibi placerent com-

pos —————votorum fieret, tanti est

habendi auri apud mortales in-

dustria, tam vel nulla

causa, vel debilis præ-

ter miserorum

morta-

lium nudum tacitum-

que consen-

sum.



IOAN. FRAN. PISCI  
MIR. D. CONCORDIAEQ.  
COMITIS

DE AVRO AD VXOREM.

*Liber Secundus.*

QVID ACTVM, ET QVID AGENDVM,  
itaque de artis qua fit aurum nomine.

Cap. Primum.



*HACTENVS* disputatum sit  
de auro aestimando, nunc de arte,  
qua confici possit differendum est,  
solet enim versari inter doctos, in-  
doctosque, fieri possit an non possit  
questio, eaque multis fere disce-  
ptationibus, ad quas pro viribus tollendas, vel ut  
cumque sedandas generatim, tum & in uniuersum,  
non per partes atque minutias utilitas me non medio-  
cris inuitauit: interest enim hominum R. P. ne  
in ambiguo sit eis in rebus pertractandis, quae  
& sint communes, & ante omnium ora uersentur.  
Primum uero nomen, subinde originem, demum  
potestatem artis indicabimus, per varias facul-  
tatis litterariae scholas, longe lateque uersarum.

B    iij    Ars

*Ars igitur auri faciendi Chrysopeia græcis dicta, latinis eodem est etiam nuncupata vocabulo, mutando vero metalla in uniuersum, Chemia, est appellata græcis, quos plurimum sequuti Arrabes Alchimiam uocauerunt, definierunt autem græci Chemiam, ut sit ea enim preparatio faciendi auri, atque argenti. Nam quanquam & alia metalla per eam fiunt, à nobilioribus tamen atque precipuis nomen obtinuit, ita ut etiam argyropeia, & Chrysopeia postea diceretur; Putarunt quidam à succis Chymiam nominandam, quibus Hermodolus barbarus uidetur assentiri, sed uerius à fundendo, idest à postremo ipsius artis officio, & quidem. H. littera græca, que in . e. longum apud latinos uerti solet pro refusoria dare litem uidetur iureconsultis, metallicam artem dici posse, satis constat, eo quòd metallarij & dicuntur, & utiles R. P. iudicantur apud leges ciuiles, q̃, qui auro, argentoque parando solent operam dare, qua de re latius opere procedente communi nomine metalli, quo plura comprehendantur iuris interpretes, uti maluerunt, quibus etiam placuit æris vocabulo numos aureos indicare, quemadmodum scripsit Vulpianus, Sileo quòd ab Alchimo nonnulli, sed nulla ut arbitror ratione deducendam putant nuncupationem, ut hinc Erasmus virum in litteris latè versatum demirer dialogum edidisse, cui titulus alchumistica; Demirer inquam illum sequi vulgus maluisse, nec agno-*

agnouisse articulum al. apud Arrabes passim habitam,  
 detraxisseque aspirationem quæ debuisset includi, si  
 vel à fundendo, vel à succorum conficiendorum po-  
 testate vocabulum deriuaretur, Nec minus miror,  
 immo longe magis, utpotè nullo pacto componendam  
 Erasmo, qui scripserit ea de re, nomenque refulge-  
 rit, & insolitum quoddam vocabulum excogitarit.

---

## DE ARTIS IPSIVS ORIGINE

atque progressu. Cap.  
 Secundum.



**P**RINCIPIVM artis, Vincentius Bellouacensis reperit à pri-  
 mo generis humani parente, perque  
 varios traduces ad alios nonnullos  
 apostolicumque dominicum perue-  
 nit, à quo ipse multa se fatetur di-  
 dicisse. Alij Trismegiston Hermetem maluerunt  
 Chemicæ principem facultatis lapideis in tabulis qui-  
 busdam scriptæ, & ad hebron ciuitatem repertis, Nec  
 defuere qui scriberent in deserto Sinæ reuelatam diui-  
 nitus hæbreo cuidam viro, sed tantummodo generatim  
 ad opus tabernaculi fæderis constituendum; Ego ve-  
 ro quantum à græcis latinisque auctoribus colligere  
 potui, comperio artem antiquissimam quidem, sed  
 paulo

paulo ante Troianum bellum, ut potè uetustissimis illis græcorum temporibus eius mentionem sub inuolucris fabularum & enigmatum nebulis indicatam, sic Eurysthei mala cupientis aurea iussu Michael Psel-  
lus interpretatur, sic Iasonis in colchos navigatio declaratur apud Suidam, ut non auream phryxi pellem, sed membranam arietinam, qua faciendi auri facultas describeretur, quesitum ierint argonautæ, quanquam non me fugit Varronem id tribuisse Velleribus pecudum, Strabonem hirsutis pelliculis ouium, quibus auri colligerentur ramenta defluuijs. Verum enimuero maluerunt membranam fuisse non vellus, non hirsuta terga pecudum uetustiores græci, inter quos & Charax, & Apolonius, & postea colchicæ navigationis interpretes & Eustathius, qua de re latius inter narrandum experimenta, sat sit ad præsens indicasse multis auctoribus existimatum sub fabulosi Velleris aurei tegumento descriptionem significatam auri per artem faciendi, sic & Atrei agnum: ita enim loquuntur græci tragediarum scriptores, & latini, quorum Cicero meminit, arietem uero non agnum Seneca nuncupat. sic inquam nonnulli interpretantur Atrei nuncupandum agnum, arietemue, ut descriptam potestatem auri faciendi lectoribus insinuent, Nam Atrei & pelopis opes ex metallis fuisse scriptum reliquit

quit Callisthenes Olynthius Aristotelis & discipulus, & consanguineus, quas opes alij ex viua pecude Varronis exemplo deriuatas volunt: Alij ex argentea phiala in qua confertum esset emblemata, sic ut ἀφ' οὗ hoc est agnum in se se contineret. Ceterum ars faciendi auri græcis auctoribus ferrendane accepta sit, an a Persis Egiptijs, cæterisque nationibus, quæ orienti soli propinquiores habeantur, manauerit, non satis habeo compertum; Quamquam & in Persis hostanem, & in Ægipto Tamorum quàm Hermetem Chemicæ scripsisse proditum sit memoriæ, perseuerasseque τὴν ἐργασίαν in Ægipto studium ex quo ingentes opes paratæ sint usque ad tempora Diocletiani græcis monumentis constat, quibus & Diocletiani, & Maximiani res gestæ continentur: idque etiam spectari datur bifariam in Suidæ collectaneis, pariterque comperi Democritum apud græcos principem chemicæ facultatis in oriente versatum ab Ægiptijs, a Persis, ab Indis, multa didicisse eum inquam Democritum, quem Hippocrates est admiratus, quem laudauit etiam Thimo, quem Plato non est ausus incessere quem uirum iure magni nominis Celsus appellauit. Ab hoc fluxit Democritica secta, quæ & abderitica nuncupata est. Cuius inter Aristotelis interpretes Michael Psellus non solum meminit, sed



sed a se reuelata scribit eius arcana, hic enim post  
 Rethorica, Historica, Physica, Mathematica,  
 scripsit & Chemica, nec non & medica, quæ Con-  
 stantino Imperatori dedicauit, Olympiodorus quoque  
 Alexandreus & Platonius, & Aristotelis interpres  
 Chemica scripsit, scripsit etiam Heliodorus ad Theo-  
 dosium Imperatorem, scripsit & Stephanus ad Era-  
 clium Cæsarem, ut Africanum Cynesium, Theophi-  
 lum aliosque præteream, & ipsum etiam Zosimum  
 Alexandreum philosophum, qui de arte composuerit  
 duo de triginta volumina; Quorum omnium præcepta  
 solent in Democritum planè referri, qui fuit nature so-  
 lertissimus indagator, & beneficio longissimæ ætatis.  
 Nam supracentum vixit annos multa deprehendit,  
 quæ literatorum vulgus latuere, scribebat autem sub-  
 obscure præcepta, non quidem ea ratione ut videri nol-  
 let Chemica sciens, Verum ut ea præcepta consecra-  
 neis essent amicisque tantummodo nota, & ignota  
 vulgo, proptereaque nouabat nomina ut ipsis duntaxat,  
 qui rem alioqui tenuissent, deprehenderentur, atq; hinc  
 non possum non mirari contra Hermolaum barbarum  
 virum alioqui de literis benemeritum hoc scribendi ge-  
 nus in democrititia scola solum damnaſſe, & vel mali-  
 gnitati vel arrogantia reuulſiſſe acceptum, meminisse  
 poterat antiquitus usque ab Homero diuersa rebus  
 vnis indita nomina, & alijs superos, alijs immos,  
 dictio-

ditionibus uti consueſſe, & gentium antiſtites non  
eiſdem quo vulgus uti ſolere uocabulis, nec non faci-  
le fuerat uti recordaretur qui certe legiſſe illum  
minime dubito, laudatiſſimum & precipuum fuiſ-  
ſe in omni ſecta, quæ inter alias apud philoſophos  
precellentior haberetur, ut occulerent ſua dogmata,  
apud pythagoricos, maxime & heraclitios, nam  
illi ſilencio & ſymbolis utebantur, hi ut Plato ſcri-  
bit enigmatibus, & eis qui declarationem quære-  
rent enigmatum, enigmatibus alijs reſpondebant.  
Plato quoque uelamentis plurimis ſua dogmata  
connexuit, imitatus & ipſe ſyras paleſtinos, quorum  
mos authore Hyeronimo erat parabolis uti, ut in-  
numera ſileam, quibus etiam refelli Barbarus poſ-  
ſet, ni ſummatur inde anſa deſenſionis, quod non  
ediderit ille corolarium emendaturus, ſi quid in-  
conſultius adnotauiffet, tanti autem faciebant ſue  
philoſophiæ arcana priſci illi ſapientiæ cultores uti  
prophanis, uti multitudini ne utique fieri nota uel-  
lent: Depopulata uero græcia, & poſt inclinatio-  
nem Rom. Imperij deſolata Italia barbararum gen-  
tium crebris uarietatibus cum receptæ colique cep-  
tæ litteræ fuiſſent à mauris & Arrabum popu-  
lis, in eam quoque linguam multa artis chemi-  
cæ uolumina translata ſunt, ex quibus & ipſi quo-  
que mauri, ij precipue qui Bethicam incoluere  
compi-

compilauerunt libros, & operam quoque & impensam non recusarunt, hinc & Auicena & Rhases, et Ieber, & Arrabum denique philosophorum numerosa turba de rebus chemicis edidere uolumina, quos aliquo post tempore & Vincentius & magnus Albertus & alij plurimi secuti sunt: sed enim desierat iam pene facultatis huiusce quantum attinet adscripta celebritas, cum Arnaldus à noua uilla citerioris hispaniæ, & postea Raymondus balearicus tum multis uoluminibus, tum nouis inuentis, tum publicis experimentis rem iam pene dilabentem erexere, & illustriorem quàm aliquot ante seculis fuisset, reddidere, quo factum uti quilibet uel paulo eruditior, & in rebus meteorologicis apud peripateticos inter disputandum uersatus, uel paulo curiosior in exploranda natura rerum, uel faciendi auri paulo appetentior, occasionem sibi non deesse ratus dederit operam transmutationi metallorum, uel discende, uel docende quanquam ex neotericis Aristotelis sectatoribus, qui de arte disputauerit præter Timonem paucos inuenias: At qui artem confectis experimentis firmare tentauerit numerosam, & communes ferre numeros superantem multitudinem plane comperias. tantus enim concursus ut ad imperitissimos quosque res deueniret. Vnde & immanes irritique conceptus passim ostentabantur: proptereaque ceptum dubitari, uera ne ars an impostura

postura censenda esset auri per artem conficiendi pollicitatio, cum ex uanis promissis patrimoniorum detrimenta conspicerentur, ex detrimentis non difficillimus esset lapsus in crimen furtivæ monetæ: quam ob causam Venetijs aliquando interdictum Hermolaus est author, ne quis experiretur aurum facere, eisdem etiam causis inter eos, qui de moribus ferunt sententiam christiano ritu, summasque de licitis, illicitisque conficiunt disputationes multæ, uetanda ne facultas esset, an admittenda? Vt sepe fieri solet, cum pravi uel doctrinæ cuiuspiam professores uel nocenter aliquod negotium alioqui licitum exercentes numero solent excrescere, sic olim Rhetores a Lacedemone profugi, sic expulsi Roma non solum rhetores, sed & philosophi, & medici, dubitatum autem non solum inter concessa computari deberet studium, & opus ut greci dicunt *χρυσουργία*. Sed fieri ne posset, ut ars naturæ ferret integram opem in auro conficiendo, illud censorum sacerdotum proprium, hoc naturalium philosophorum utile ne id factitium aurum esset, si modo fieret & humanæ accommodum naturæ: subinde medici perquisierunt credita ne res tantummodo foret, an probata experimentis, quorum non auriti haberentur testes solum, sed oculati tam principes quam rude pariter & eruditum uulgus sciscitabatur, quibus de rebus & alijs plerisque; ad hæc pertinētib; articulatum sumus disputaturi.

De

DE ARTE IPSA, LEGITIMANE SIT,  
 an secus? Quid principes, conditoresque legum  
 & canonum, quid interpretes, quid theo-  
 logi, & q̄ uulgo sumisti uocandi de-  
 creuerant. Cap. III.

**P**RINCIPES conditoresque,  
 & interpretes legum ciuiliū, &  
 canonum ecclesiæ, & ij quoque  
 quibus placuit ex factitijs iuri-  
 bus theologorumque doctrinis sum-  
 mulas conficere conscientis que-  
 stionibus acomodas, iterum alij diuersarum rerum scri-  
 ptiores diuersa comperiunt de auro conficiendo, & sensis-  
 se, & cartis retulisse, de principibus conditoribusque  
 postea, nunc de interpretibus; Apud Gulielmum Mina-  
 tensen episcopum & eius appendices operis nomine spe-  
 culi iuris celebrati, & legitimam & ueram artem fa-  
 ciendi auri R. P. utilem decernitur, hanc sententiam  
 Ioan. firmavit, & Oldradus, & Nicolaus Panormi-  
 tanus, & alij sic iure consultis & interpretibus cano-  
 num persuasere leges illæ Valentiniani, Cæsaris priores  
 in codice Iustiniani posite, ubi agitur de metallarijs,  
 quas leges nec ab interpretibus ordinarijs rite perce-  
 ptas nec a posterioribus plane castigatas, tum ostende-  
 mus hoc ipso uolumine, cum fiet mentio de experimentis,  
 persuasit fortassis & Accursius Florētinus, qui glosēma

ta civilibus apposuit legibus, si qui tamen perlegerunt, quæ mihi perspecta sunt eius ipsius comentationes super artis magisterio : neque enim contentus artem probasse diligenter etiam eius exposuit præcepta, subscripto semper nomine, non secus ac si pandectas interpretaretur ; Angelus Clauassinus in summa sua detestatur artem, quam & si leuiter tueri, tamen potius quàm impugnare visus eiusdem vir ordinis summae author eius, quæ Rossella nuncupatur, & qui mox enarrauit Angeli summulam extreme, sic non impugnatam ab eo artem interpretatur, ut inter improbos sit habendus, qui ea utitur ; Contra vero multis rationibus & Ioannes Ligur, & Siluester ex prædicatorum ordine suis in libris summarum, titulo . A. nuncupatis, Clauassinum impugnantes, argumentis eius apertissime restiterunt, Thomas Caieranus tam sua in summula quàm in theologicis comentarijs pro artis ueritate sententiam tulit, eo modo quem summus paulo post dicturi, sed theologi celebres Albertus & Thomas suis monumentis arti fauerunt, quanquam in Thome sententia declaranda inter eius interpretes aliqua dissensio ad concordiam per nos quoad fieri poterit suo loco reuocanda ; Magnus autem Albertus quàm quæ multa scripsit de vertendis metallis, artemque recepit, tria tamen præcipua inter plures rationes asseruit.

C

Primum

Primum eos falli, qui rentur metallorum species mutari non posse, dedisseque illos Aristoteli, quod Auicene dandum erat: deinde ab eodem subindicatum mutationem referendam esse in primam materiam metallorum, quæ artis adiumento reduceretur in diuersam speciem. Demum colligit Albertus longo satis progressu, metallicæ peritos artis medicorum instar progredi, quorum probabilior illa semita, cuius ductu purgat sulphur & argentum uiuum, riteque illorum permixtio paratur, quorum virtutibus, ut eius utar proprijs verbis, omnis metalli species inducitur, deducique demum scribit uiuum argentum ad duritiem, & deinde diuersas formas metallorum. Sanctus Thomas in summæ theologicæ secunda parte, secundi uoluminis, affirmat chemicæ veritatem, quam non asseruerat in secundo, in sententias theologicas commentario: propterea varius hac in re multis visus est, ut suo loco manifestius apparebit, cum aperte sententiam ipsius interpretabimur. Quantum ad presens attinet, sectator Thomæ Silvester eiusdem est sententiæ, ut fieri aurum per artem queat, in qua sententia Ioannes non permansit; At Caietanus Thomas sua in summula censet, artem ipsam dummodo sine fraude fiat ex se se illicitam non habendam, nec in peccatis numerandam venditionem rei per artem effectæ si pro eadem, quæ est, proprie fiat uenditio: in-

com-

commentarijs vero super S. Thomæ summa theologi-  
ca, scribit artem quidem possibilem, sed aut non huma-  
nam, aut principum esse, postquam sapientes consu-  
luerint, de artis potestate nil differit, ut alijs in-  
quæstionibus acute solet; Qua in re illud nonnulli  
demirantur, qui ubi artis veritatem & aucto-  
ritate, & ratione diui Thomæ confirmavit, illi-  
co homini decreuerit possibilem: Id & ea ipsa  
Thomæ ratio conuincit, quod si admittit cur non  
humana si principes & ab eis consulti sapientes  
eam queunt exercere, cur super hominem? qua-  
si non sint & principes, & sapientes inter ho-  
mines recensendi. Quos tamen Plato modis om-  
nibus expetiuit ad R. publicarum felicitatem, hoc  
est, ut aut principes operam darent philosophiæ, aut  
philosophi R. P. administrarent. Verum ea posset  
ratione Caietanus a calumnia defendi, quod &  
rari sunt principes, qui percaleant res naturæ, &  
opibus principum indiget magna pars eorum qui va-  
cant chemice: propterea nequeunt nisi principum  
virorum opes affuerint experimentis uti, quæ ma-  
gnas requirunt impensas. hanc autem calumniam  
effugerat ante Jo: Pici patruui mei responsum, dum  
enim eum consuleret Antonius frater, fieri ne pos-  
set aurum ex arte, respondit consulenti, fieri quidem  
posse, sed difficillime. Nulli autem dubium sanctum



Thomam in sua theologica, quam morte preuentus non potuit absolueret, artem faciendi auri tanto magis admittendam decreuisse, quanto maiora per artem fieri queant quàm aurum ut dicturi sumus, procedente opere, eundemque decreuisse in commentarijs super Senerini libro de trinitate editis, legitimam esse artem, & naturali philosophiæ uti iuniores loquuntur subalternatam, legi præter id librum S. Thomæ de arte ipsa metallica, si non mentitur authorem titulus, qui legitimus videtur eo comprobari, qui Alberti fit in eo mentio, ut præceptoris quod Regimnaldo mittitur, ad quem alia etiam misisse Thomam ipsum planè constat: legi quoque in opiniones Thomæ de auro, argentoque faciendi commentaria: multi vero chemice nominis non satis gnari, ut mihi quidem videtur, alienum quiddam expiscari sunt, aut potius ex pœna sua satis ne instructa nescio deprompserunt, quo nomen alchymie defugerunt vili plebecule solitum attribui, ne de ea re scripturis ingereretur contumelia, quod ante subindicauimus? Quod uero scripsit Erasmus esse capitale, si quis (eius ipsius verba repono) alchymisticam exerceat absque Principis permissu plurimi non ferunt ei arti nimio plus addicti, multoque minus qui eius facti sunt compotes diuturnis experimentis: exigunt enim primum ab homine docto, quis ille sit Princeps: Nam multi

Princeps

*principes sub supremo , multi sub regibus quorum-  
 plerique subesse ipsi Romano Principi minime volunt ,  
 deinde querunt voluerit ne princeps ille quisquis fue-  
 rit priorum Caesarum leges iam tot seculis publicatas  
 cum de metallarijs decernitur edicto suo priuato de-  
 moliri ? Demum subdidere edictum per omnes pro-  
 uincias promulgari oportuisse , & promulgatum re-  
 cipi consuetudine atque confirmari , alioqui compu-  
 taretur inter antiquata & irrita : exigunt , quo-  
 que factam secretionem eius chemica , que verum  
 mentitur aurum argentumque , cuius meminit Ioan.  
 Pontifex eius nominis secundus . sup. xx. Meminit  
 etiam Alligerius Aetruscas , illius item qua queri-  
 tur ab ineruditis illiteratisque mutatio metallorum  
 atque eius demum , qua uel eximia doctrina , uel cer-  
 tis experimentis , argentum aurumque uel ex eorum prin-  
 cipijs , uel ex metallis imperfectioribus planè conficit ,  
 quam iuste vetari non posset tam doctores theologie , quàm  
 interpretes canonum , ex iusta legis definitione conten-  
 derent , cum eo haberi debeat iniusta lex , qua id quod  
 alienum est , abripitur , qua , id quod plurimis prodest  
 prohibetur , uetatur , abijcitur : quid enim pretendi  
 poterit aut iustitia fretum , aut honestate , ut ma-  
 nus in propria simul atque aliena commoda paratas  
 instructasque cohibeas , ut proficiat , ut inueniat , ut afferat com-  
 moda hominibus , in homines potestas data est diuine*

conformata potestati, cui si non consonat eò illam penitus abuti, nomine, atque omni vi planè destituo sacram peritis litterarum extra omnem controuersiam definitur, ut mittam mentionem non esse factam eorum qui ius habent ipsas in leges ciuiles, nec nisi præscriptis conditionibus uoluerunt esse subiecti. hæc ab Erasmo desiderabantur, exigebanturq; nisi extimatum fuisset illum ioco id uerius quàm serio protulisse, sinxisseque ut nomina complura ita ut fabulam qua rideret auidos auri conficiendi, nimisque credulos, impostoribus, quorum magna turba est, eoque maior, quod in ipsos & silere, & dormire leges existimantur, expectari quoque potuisset ab eo tractatam quoquomodo quæstionem uti dissolueret aliena saltem auctoritate, quandoquidem libro eo, cui glossulas Accursius apposuit, scriptum reperitur publice dandum commoditati principes ut resciant confectores auri, qui nam sint, priuatæ vero rentibus etiam ipsis ut peragant, quod nouere modo caute negotium prosequantur; Editum vero Joannis xxij. eius generis est, quòd quia inter legitima septem volumina tanquam membrum iuridici corporis non est receptum, sed foris mansit extraneagari dicitur, sed nec ipsum reluctatur arti: nam qui eò temere uti pro argumento uolunt, & rescipiscant, moneri poterunt in ipso limine, hoc est in edicti rubrica, præscribitur enim de crimine falsi, at nos de vera loquimur arte, quæ

que falsitatis nomine taxari non potest, ne dum ad tribunaalia trahi, ut apud Accursium, apud Gulielmum & alios, qui eos ritè sequuti, decernitur, eo maxime loco ubi agitur de crimine falsi: nisi enim vel in materia vel in forma deprehendatur falsitas, pænæ nomine nihil infligi potest; uti Baldus adnotavit in vsibus feudorum dum habetur de regalibus mentio: manifestius vero ipso in progressu deprehendi datur aduersus mendaces impostores falsosque artifices dirigi pontificium sermonem, dum scribitur, pauperes alchimistas spondere, quas non exhibent diuitias, eosdem item dissimulare falsitatem ut tandem quod non est in rerum natura, esse verum aurum uel argentum sophistica transmutatione confingant. Proindeque tantum ueri auri uel argenti publicos in vsus pauperum coguntur reponere quantum falsi, fictiue, aut uendiderint, aut dederint in solutum, qui uero monetam adulterinam ex auro ipso, non uero, sed sophistico, quod dicitur, procurauerint, & ipsorum etiam deferri bona, & carceri subinde mancipari iubentur. hec illius edicti summa de falsis, non ueris artificibus promulgati, quam ipsismet etiam præscriptis uerbis femè reposuimus.



QVID DE AVRO PER ARTEM CONFICIEN-  
do sentiendum sit, ex philosophia natura-  
li dependere. Cap. IIII.

**P**ENDET autem non ab edictis principum, non ab interpretibus legum & canonum, non ab ijs, qui de aliorum dictis suas exarauerunt paginas, & de moribus humanis decreuerunt, sed a naturalis philosophiae principijs in uniuersum fieri ne aliquid arte fiat, quod alioqui promittit natura, hoc est, num eandem formam, substantiam, essentiam, diuersis ex primordijs oriri, fierique contingat? Manauit item questio mutandae formae ab ipsis plurimum philosophis ambigentibus, uterine species, & promiscue possent mutari. Natura uero particulatim conficiendi auri disceptatio de meteorologicis voluminibus Aristotelis, quae quidem variè pertractata sunt, nec adeò se se praebent ad liquidum perspicacibus ingenijs aestimanda, ut certa inde & inconcussa dogmata pertrahi queant: proinde fuere qui artem impugnaverint, quibus Auicenna resistit apertissime, resistit Ieberus aliique permulti, quanquam speciem ex integro mutari negat Auicenna, sed in communem materiam confitetur formas

formas induci : verum quod attinet ad Aristotelem, praterquam, q̄ huius rei non fecit exactam mentionem eis, videlicet in voluminibus, quæ legitima illius esse putantur : nam eximunt quidam nonnulla, quæ arti fauent ab ordine Aristotelico, prater hoc inquam certum illud est, quod de metallis non nisi generatim, differuit in metheoris, asserens eas sic ex humidis plurimum oriri vaporibus, ut ex plurimum siccis lapides & sulphur, & sandaraca generantur, habita quodammodo proportionem ad ea, quæ non in terræ cavernis, sed aeris sunt regione sublimi : proptereaque ab illo græca voce nuncupata metheora, ibi enim voluit ex humido alitu concrefcere nubes & pluias, ex sicco, igneoque uentos, fulgetras, fulmina, & id genus cetera coalescere, quanquam non nihil inter ea posuit discriminis, prater hæc nullum sane dedit evidens inditium eis in libris exactam ullam disciplinam expromendi, quando quidem inter exordia dicit quæpiam se dubitaturum, ac Alexander eius interpretes docet difficilia esse cognita, quæ Aristoteles eo in opere pertractat ? Olimpiodorus etiam longe obscurissima, ut hinc facile queas utrocumque volueris modo de Aristoteleo dogmate persentire, & difficultatem pariter deprehendere, chemice facultatis : cum Aristoteles magnus vir in litteris dubitare se se differit, & quadam quasi superficie tractare, quæ  
illi

illi percipiendæ suapte natura videbantur adstipulari, sed a Theophrasto pertrahi potest, quod finiendæ liti quadrare queat, Nam quanquam scribit in libro de lapidibus, se de metallis quidem differuisse, idque totum quodcumque fuerit temporis edacitate perijt, ex aqua tamen dixit illa constare, sicuti lapides ex terra, unde illa ipsius verba, ὕδατος μὲν τὰ μεταλλεύμενα κατὰ τὴν ἄρτυσιν καὶ χρῆσιν subindeque satis indicauit solere per artifices peritos aurum fieri. Prodit enim memorie factam cinabarim ab Atheniensi Callia, dum aurum facere se putauisset: Nam nisi sperasset ex arena illa coccinea duci aurum posse, non est cur insudasset operi. Notum enim est arena, quæ dicitur Crysamus sic aurum fieri solitum? ut solitum est illud ex fodinis erui, quod & apud leges ciuiles si rite percipiant planè conspicuum. Quod adere sumus in operis progressu minus peritos instructuri, quod si non aurum est assequutus, sed cinabarim Callias, initium tamen auri proculdubio est indeptus; Quandoquidem apud peritos artifices constat in cinabari, & argenti, & auri latere principia, coniungere quoque non nihil possumus ex condiscipulo Callisthene, & ipsum, & Theophrastum, & Aristotilem, præceptorem in ea fuisse sententia, uti metalla possent inter sese verti, cum unam tantum formam illis assignauerit ipse Callisthenes, quam facile Galenus admisit, ex accidenti tantum differre illa, nonnullis rationibus argumen-

*argumentatus, si legitimus ille Galeni, non suppositivus liber habendus est: Ego verò ut assentiri hac in re duce ratione Calisteni possem, effecit etiam multiplex experientia, qua seorsum aurum, seorsum argentum diversis granulis effici uno eodemque pharmaco: itemque simul & aurum, simul & argentum eodem tempore, eodemque pharmaco sæpe numero sum intuitus, & si quando quod iacebat ab auro disclusum liquore eo acti, quem vulgus partientem aquam appellat compereram, multum auri continere factò id periculo plane cōstabat, sed de experimentis suo loco diligentius agetur. Vincentius Burgundus ille qui maxima confecit omnis penè rei litterariæ volumina, dum agit de natura, veram artem non tantum a se cognitam asserit quam aurum segregari, verius per eam, quæ fieri censet, motus & ipse fortassis rei experientia, ut pote qui deprehenderit id cæteris in metallis latitare: Alij & plurimi quidem non solum segregari, quod negari non potest, sed gigni etiam fierique contendunt, rationibus ex philosophiæ suppellectili plane depromptis, equidem scio inter græcos Aristotelis interpretes fuisse Michaellem Psellum, qui multis rationibus adductis asseruerit posse aurum per artem ex non auro fieri, eiusque rei senas, si recte memini, vias ostendit, iuniores fieri aurum posse quidem senserunt sed alia ratione, uti paulo post sumus ostensuri. Cæterum multi peripateticorum in eam tendere opinio-*  
*nem*



nem sunt visi, ut aurum arte fieri queat, tametsi & difficultatem, & pericula causentur, quorum in numero est Timon in ultima in tertium metheororum Aristotelis, librum questione; Dubitationem auxit nonnullis speciei, & formæ nomen, quod vario in significato summi solet a philosophis, & quantum ad hanc rem attinet de specie ab arte mutanda trifariam loqui consueverunt: sunt enim qui dicant non mutari speciem, sed in singulare, quod primum quidam sit, individuum alij nuncupant, sub speciem contentum, cum soleant res quædam & ab ipsis speciei principijs, & aliunde quoque proficisci, non secus ac animantia quæpiam, quorum ortus non tantum est à mare, fœminaque, sed aliunde, quem tamen ortum nec visu, nec ullo sensu discreueris: idcirco quæ generantur ex coitu, & rebus etiam corruptis oriuntur, specie ne differant, an minimè, consuevit apud philosophos dubitari; quorum nonnulli ut remota non admittunt principia priora, sic proxima negare nequeunt, qualia memini legisse me apud Galenum, siue ille pergamenus fuerit enarrator Hippocratis, siue alius eiusdè nominis, ut cum ex ovo pullus educitur non solum gallinæ incubatu, sed & mammarum mulierum calore, & equiclibani tepore, sunt qui intelligi questionem velint & sola artis operatione, & mixta etiam operatione nature, atque ea distinctione conciliant litem, speciem quoque ipsi subinde secerant, ut quicquam mutari queat, quoad pertinent ad  
formam

formam duntaxat stante materia, quod sanè sit artis munus adiumento quidem naturæ, sed per se quicquam, non exercentis, cui & ars dicatur famulari: id autem minime rentur absurdum, si dicatur & defendatur, sunt qui accipiant ut eis verbis intelligatur, materiam cum forma mutari, sic, ut alia penitus & ex integro sit, quod certè non admittitur à sapientibus fieri posse vel ab arte, vel à natura: quoniam id sit solius diuinæ potestatis proprium. proinde cum ex argento vel alio quopiam metallo sit aurum, aut indiuiduum fieri dicunt, aut si speciem fieri malint, materiam manere volunt, formam mutari, quando quidem materies ea, quæ fuerat prius sub argenti forma, postea sub auri formam reperitur: pars itaque speciei tantummodo permutari dicitur, si speciem ex materia formaque constare cum schola peripateticorum recipimus, & maxime cum sancto Thoma, & ijs qui nobiliores inter neotericos habiti sunt, quamquam non defuerunt ex philosophis qui speciem cum dicunt formam solam uelint intelligi: Dici quoque potest non absolute mutari quicquam, quoniam pars abiit, pars coniungitur, interuertendum, tum cum occupata eius ipsius materia forma discedit, id autem frequentissime sentimus, cum absumptis edulijis disperit eorum forma, et materia, veritur per cōcoctionem. Ceterum apud iureconsultos aliquando legi, speciem desumi aliter, cum scribitur non mutari speciem, si ex stamno & plumbo

bo verbi causa fiat aurum : genus enim videtur pro specie capere, ni forte ibi una tantummodo species sit habita metallorū, ut æs, plumbum, stannum, argentum, sub una auri collocetur specie perfecta, ad cuius præcipuum gradum cætera metalla queant ascendere; Quod qui defendere vellet, nec per græcā metalli etymologią, nec per validam rationem reprehendi posset, tantum abest ut à scholis philosophorū eliminaretur: fertur enim opinio isthæc accepta Calistheni, de quo super differebamus, quam si recipimus, reijciamus illos oportet qui varijs ascribunt planetis varias metallorum formas, inter quos Joannes versor et ij quos est sequutus inter exponendo Aristotelem, quo in loco vanitatem illam exprompsit, quam mille oculi sunt auersati, bis mille manus exploserrunt, hoc est ferrum non liqueferi, sed enim ipsa reiectos iam experientia fuisse planetarios constat, cum uno eodem tempore, uno eodemque pharmaco, ut ante narrabamus simul aurum, simul argentum, quandoque uno grano, quandoque diuersis oriri, fierique contigerit, ut nil somniare queant Astrologi, quod huic rei patrocinentur per solis iouisque coniunctionem: fit enim quotidie diuersissimis eorum planetarum schematisimis. sed quoniam astrologorum vanitas & à Joanne Pico patruo meo semel & à me sepe confutata est, in eam ad patris inuehi nolo: Qui uero Calisthenis opinionem tueri vellet, non difficulter posset Alberto respondere, contrariam opinionem

nionem preponenti, multoque magnum, cum apud Josephum traditum sit memorie verti vitrum in metalla, vitreamque id genus harenam plurimam in Ptolemaide fuisse dicat. Nec Galenus annuat in opere simplicium medicamentorum potestate vitream arenam, & auream, simul inueniri, quæ autem eodem in loco vel in proximo generantur metallica, vel eiusdem esse nature vel facillime, in aliam verti plane compertum est. Verum cum isthæc questio tota pendeat a specie, formaque dignoscenda, proinde de discerniculis formarum, specierumque prius disquirendum, decernendumque esset. Quod esse opus arduum, & altissimæ proprium philosophiæ, nemo plusquàm mediocriter doctus ignorat. Meminique me longioris operis subsej, hanc ipsam pertractasse materiã, ut omnium longè difficillimam, idque in examine vanitatis doctrinæ gentium & veritatis christiane discipline tum in theorematibus quæ scripsi de humana perfectione, quæ si huc uellem congerere, prorsus egrederer semitam: & quasi labirintum ingrederer nature; Neque enim decatatus poetis Meæder tot flexus habet, quot milia litiũ subinde nasceret, nunquam sub humanis iudiciis finem habituræ. Proinde seponenda hæc sunt, & ad cõmunio rem sensum redigenda, sat sit ostendisse fieri ne queat aurũ p artẽ, an minime, qui scire cupiat eũ habere oportere in consilio scholas philosophorũ, ego vero tũ mihi suppetierit ingenij, facultates primũ ad plana reducere conabor.

conabor ea quæ multi confragosa putant & aspera :  
 deinde experimenta quibus edoctus ad hæc scribenda me  
 conuerti quantum licebit sua per lineamenta, & um-  
 bras, non per colores, & lucem subsignabo, & propositio-  
 nibus quo ad potero breuissimis negotium cõficiam. Hac  
 tenus enim sic narratum, quid de artis potestate, & de  
 speciei mutatione, alijsque nonnullis, varij varia decre-  
 uerint.

QVOD FIERI PER ARTEM QVEAT  
 aurum. Cap. V.



*N*lli hominum rerum naturam rite contem-  
 planti dubium esse debet, cum ab homine  
 mutantur elementa, quæ sub lunari globo  
 insyncera coeunt: nouentur etiam stirpes  
 & quandoque animantia varia illorum mixtione pera-  
 cta nõ posse ab eodem homine multo facilius metalla mu-  
 tari: videmus passim ex aere, & ignem, & aquam fieri,  
 & ex ijs etiam terram, artis beneficio. Videmus plantas  
 artificio gigni non antea visas, misceri que ipsarum na-  
 turas, & variari. Videmus et sola loci mutatione hoc  
 est ambientis aquæ, & ambientis aeris mollem herbam  
 lapidem fieri, cui corallo nomen. viderunt multi literis-  
 que prodiderunt ex aquæ montanæ decursu, ex aspergi-  
 ne lacustris aquæ pelles animantium & carnes in lapi-  
 dem

dem mutari; Vidi ego & filices, & vltimi frondes conuersas in tophum. Legimus apes fieri & crabrones si bouinæ & equinæ carni hominis accesserit industria. Legimus etiam in sacris literis pelles gignendarum ouium diuersis coloribus insignes, eisdemque literis plenè cognitam post annorum multa curricula fuisse à magis Egiptijs confecta animantia; Præterea, quæso, quid prohibet eandem rei formam, quàm substantialem communi vocabulo philosophi nuncupant, diuersis ex principijs etiam genere differentibus indi posse in materiam. Num fidem huius rei amplissimam quotidie facit ignis forma? Calorem non dico, ut improbata explosaque Alexandri Aphrodisiensis opinio non pariat ambiguitatem, sed veram formam, quæ de substantia, deque specie ipsa nomen fortita est: hanc certè formam ignis alius, & alius, item ignis eiusdem speciei promit in materiam, & sol etiã nō specie solum, sed genere diuersas pariter promit, quandoquidem repercussu radiorum solarium, qui non elementarij sed celestes et sunt, & habentur, sublunaria, multa vero igne flammescunt, ardent, conuertuntur: si hoc fit in terræ superficie, cur fieri non potuerit utrobique? hoc est in subterraneis specubus, et in ere puriore? Dices fortassis perfectiorem esse formam auri, forma ignis, repugnabo si mihi placuerit, nec sine ratione: propterea quod simplex non est elementum ignis eiusmodi, ut ob id possis antepondere illi

D

aurum

aurum, quod mixtum est ex elementis. Nullum enim purum elementum potest tangi, ut in scholis Aristotelis receptum est: ignis autem si perseveret, ex se se autem perseveraret, ni sibi deessent alimenta, cur non auro perfectior? Num usus mortaliū, supra quem disputare in aduersum quisque possit accommodatio? Quis enim paulo peritior nesciat, omnes gentes indigere igne? qui quidem quamquā naturalis res est, & necessaria, multis tamen fit modis, puta per naturam ex fulgure in aere & radiorum quoque solarium percussu, per artem ex attritu solidorum corporum, fomentisque varijs. cuius ignis inter omnes sublunares formas habentur & miræ & plurimæ proprietates, uti narrat in libro de igne Theophrastus, quem librum intra mea iuuentutis metas è græco in latinum conuerti, sed non edidi, quoniā mancum erat exemplar, & semilacerum; Ceterum ipso igne certum est omnes nationes egere. Multas vero & fuisse gentes ut antediximus & esse ad præsens aperte constat, quæ non utantur auro, sicut nec ulla moneta vel aurea vel argentea. Quemadmodum Spartani quondam, neque enim is ullo id modo licebat per leges Lycurgi, qui muris etiā ciues interdixit, obijciens, ut ille cecinit nudam Lacedæmona bellis, quæ tamen aliquando & fuit, & habita est græciæ princeps. Quod si contendas præferre aurum igni, tum auro formas asferam perfectiores erutas per artem è gremio nature, quales

quales sacris in literis legimus inditas in materia misterio magorum, quibus videlicet sit famulata a natura: sensilis enim anima est omni præstantior auro. proinde recipit Augustinus formas quæ omni præstant corpori posse rerum naturalium instrumentis promi, cuius auctoritati assensus Thomas, & eadem pariter usus ratione secundo volumine secundæ partis Theologicæ summæ, non negavit verum aurum fieri per artem, posse, & si uerum, sit vendi licere.

SENTENTIA THOMAE AQUINATIS DE  
conficiendo auro declaratur  
Cap. VI.



ED occurrit obiter ut opinionem Sancti Thomæ, quam ipsius interpretes dixerunt, declaremus. Is enim secundo in patrum sententias commentario, visus est artem abnuere, probare vero in Theologica summa. Idcirco contrarius sibi ipsi quibus existimatur conciliare sensa diuersa, quidam sunt adnixa, sed plerisque non fecerunt satis. Vtrum ipse satisfecero, lectores iudicent; Ego certe non assentior in primis Joanni Lyguri qui auri formam exclusit ab arte nobilitatis gratia. proptereaque conficiendi auri ar-

D ij tem



tem eluſerit . Nam perfectiorem uti diximus formam Thomas admittit , hoc eſt animam ſenſilem . Quorum ſe ſe Magi effectores rerum naturalium ſuis inſtrumentis præſtiterunt . Nec eo item moueor , quod neſciant inuenire artifices , quæ proprie agant , quæ proprie patiantur . Quoniam nec ignorant calore opus eſſe , & humore , multiſque vaporibus , quibus ad metallatranſmutanda uti ſoleat natura ; Adde quod quæ iuuenis negare viſus eſt , Thomas conſtanter affirmavit longo poſt tempore , hoc eſt dum ſummam conficeret theologiæ , tanquam ultimum ſuarum opinionum teſtamentum . Nec illo etiam mouebor , quo motus eſt Lygur Siluſter opinatus cum Petro gomate , S. Thomam in commentario ſecundo de imperfectis artifiſibus , in ſumma theologica de perfectis loquentum , ijs conſeſſiſſe , illis abnuſſe poteſtatem . Nam de arte conficiendi , non de artifiſibus erat mentio , quæ quidem ars quoniam naturæ miniſterio & inſtrumentis utitur , ab omnibus poteſt ad perfectionem duci , à quibus poteſt exerceri , ſiue incorporei ſpiritus ſiue homines illi fuerint , aut naturaliter , aut ſupra naturam edoſti . Varietas enim miniſtrorum , artem non tollit , aut minuit per ſe ſe naturæ viribus nitentem quidem , ſed quandoque et iuuantem illam & ſuperantem : nam et ſi naturæ peccatum accuſarūt ſepæ philoſophi ob materiæ fluxilis contumaciam , quam tamen naturam regi ab intel-

intelligente, separataque mente voluerint, multo tamen crebrius artis errata confessi fuere, cum non modo materiae repugnantis occasio se se ingesserit, sed post habitae fuerint regulae rerum efficiendarum à recta ratione praescriptae, qua ratione si usus homo fuerit non abusus, tantum abest ut erret, ut ipsius etiam naturae, si quae interciderint errata corrigat. Ergo cum & arti res ipsas natura subministrat, ipsaque ars incumbat naturae, se seque ille inuent, sibiq; quodam modo subseruiant inuicem, potest aliquando, per artis peritiam adiuuante natura fieri, quod fit per ipsammet naturam, & etiam aliquando constantius in vertenda sublunari materia, exemplo utamur eiusmet auri, de quo disputamus. Quid prohibet homines illius formam alijs in metallis indere, et solis, & ignis beneficio? quam formam sole tantummodo usa natura latebrosus in terrae sedibus, commolita est: nam siue ex sulphure & viuo argento fiat aurum, ut placuit & Democrito & plurimis, ut etiam mihi ostensum est experientia multiplici, siue id alijs etiam ex uaporibus effici queat, qui puriores & sint, & habeantur, sublatis nihilominus eis ex rebus, et in unam conflatis, naturam, siue ex quadam aqua non cognita, quam Theophrastus citauit, sed non expressit, siue manvis ex aqua illa, quae fertur accepta Democrito lixuria nuncupata, cui sit mixta calx, non eam dico calcem, quam impugnauit Albertus: diuersa est enim quae ci-

tata est à Democrito, siquidem & Lixa solebat antiqui-  
 tus pro aqua dessumi, unde lixa apud exercitum & eli-  
 xa caro etiam apud vulgus. Aut enim ea voce vinum  
 argentum per enigma significauit Democritus: aut me-  
 tallum in aquam resolutum, quæ prima materia  
 metallorum dici potest, assentientibus etiam peripateti-  
 cis, quorū princeps illa etiam prodidit ὁ δὲ τὸς γὰρ ἐστὶν siue  
 inquam eisdem ex rebus siue alijs ex rerum generibus  
 quæ penitissimis in recessibus terræ occuluerit natu-  
 ra, fiat aurum, non eisdem rebus vsi homines, idem  
 efficiuntur? an imitari calorem solis poterunt quoad na-  
 tura permiserit? quanquam hoc minime necessarium  
 existimaui. Neque enim audiendi tanquam phi-  
 losophi, qui rentur, qui dicunt aurum à solis ca-  
 lore tantummodo gigni, quasi non sit calor solis uniuersa-  
 lis causa rerum quæ in sublunari machina generan-  
 tur, & corrumpuntur, qui quidem calor tam in spe-  
 luncis, subterraneisq; specubus, quam in terræ planitiæ  
 dotes suas effundit, quasi latebrosis in terræ meatibus  
 non sit ignis, quo sulphuris vapor excitetur habitus pa-  
 rens & alumnus auri, quem ignem non solum Sicilis  
 Æthna, vicinæq; insulæ patefaciunt, sed plerisque in  
 montibus Europe atque in Appenino est ipse conspi-  
 cuus. Cæterum qui artem ingenue tenent in communi  
 materia, metallorum proprias induunt formas, explosis  
 prioribus formis, idque consciunt non vi tantummodo

consumptricium aquarum, vel potestate diuersorum  
 salis generum, vel olei diuersarum conditionum facul-  
 tate, sed auro ipso quandoque ad propagationem sui ge-  
 neris, per subtilitatem artis instituto, cui mixta etiam  
 sint interdum ipsius auri nota primordia, atque in hunc  
 modum mutare satagunt metalla, & lapides, pulue-  
 resq; conflare conantur, quibus multum conficiant auri  
 parua ex re, cui nomen elixir, à philosophis Arabum  
 factum est, latini vocauerunt medicinam, Græcos se-  
 quuti, quibus . . . . . dici constat, quo nomine  
 sepe utitur Psellus.

---

# QVOD AVRVM FACTVM ARTE

natio auro possit esse perfectius.

Cap. VII.

**I**S itaque modis experiuntur for-  
 mam eruere de sinu ipsius naturæ,  
 quam certè formam perquirere  
 scitarique potuerunt ex asturibus  
 Callaiceis, cæterisq; fossoribus au-  
 ri, & argenti, quo ad illis obiter,  
 & aliud agentibus, quasq; de longinquo facere conie-  
 cturam licuit de metallorum generatione dum illa col-  
 ligerent, ut præteream eos, qui dicti sunt Hermi, Ta-  
 gi, Pactoli, aliorumque alueos fluuiorum scrutari, &  
 metiri maris athlantici littora, ut inter lapillos versico-

D iij lores

lores auri grana colligerent, non solum vero data opera, sed aliud etiam agentes, atque insperato ac ut plerique dicerent casu: Vti vero sapientiores assererent diuina providentia saepe quidem occulta, sed semper iusta facere metallorum transmutationem plurimi mortalium. Accepi enim fastum argentum dum equi medicina qugeretur, in qua vinum argentum rebus alijs plerisque miscbatur. Vidi ego & argentum fieri & aurum, dñ neutrum speraretur: Legi etiam spirituum supernorum reuelatione traditam antiquitus artem auri faciendi, & mea atate idem usu euenisse non legi, sed audiui, quod cum agetur de experimentis apertius indicabo: malorum item demonum comertijs quandoque fieri potuisse, ut suspicer, moueor quod literis proditum est olim remedia medica per somnum reuelasse demones diuersis in templis, quemadmodum latius me differuisse meminì, dum supersticiosas presensiones confutarem, precipueque in libris quos inseripsi de rerum prenotione, & in meis quoque meorum Hymnorum commentarijs, sed & multa quibus nunc vtuntur medici præcepta simili superstitione suscepit antiquitas, dummodo vera literarum monumentis ea mādauerit posteritati. Siquidem Cremato Esculapij templo retulisse cartis Hyppocratem præceptiones medicine per quietem haustas memorie traditum est: possunt enim & vera demones prodere, quanquam n. id ut fiat minime licet curare: effectu vero post-

postquam eum veritate niti compertum possunt homines uti, non eatenus ut sit reuelatio demonica suscipienda, sed quatenus effectus ipse sit utilis res, & vera ex se suapte natura, atque in Deum ut in primum omnis veri, omnisque boni auctorem planè referenda. siquidem ex malignis hominum, demonumque facinoribus elicere nouit Deus bona, tanta ipse est tanque ineffabili benignitate, cui tandem, quod sumus, quod mouemur, quod uiuimus acceptum ferri debere, & Pauli Apostoli auctoritate & ratione didicisse opere precium est. Verum eninvero ut parte alia non putem reuelatam quandoque per malignos demones auri faciendi potestatem, ea mihi satis ratio persuadet, quod non nisi malignis eam reuelaret hominibus, aut ijs quos imbui malignitate persuasum haberet: eos autem homines diuina iustitia non permittit ut animi virus cum potestate coniunctum effundant in perniciem generis humani. Quæ quidem ratio videtur verissimilibus experimentis communiari, quando nec paucos etiam aureos suis sectatoribus impertit in obscenis ludis, de quibus egimus in dialogo triplici, cui nomen Strix. Bonis itaque spiritibus feramus acceptum, si quid est reuelatum de artis veritate singulari, aliquo priuilegio, sed doctrinæ & experientiae id facilius tribuendum. Diuersa enim cum diuersis varijs colligerent experimentis, potuerunt artis periti multa cognoscere: neque enim aut uno in loco, aut

uno modo tantum promit aurum natura; Vidit Alber-  
 tus de se scribens purum inter arenas fluuiatiles aurum  
 impurum, audiuit comixtis lapidibus ortum, instar  
 venarum, subditque non multo post aurum natum inter  
 arenas melius esse, cuius rei duas affert causas. Alte-  
 ram sulphuris puritatem maiorem inter calidas & sic-  
 cas arenas versati, frequentiusque loti & eius quoque  
 terrei, quod inest vino argento, quod quidem & lauit  
 & subtilius reddidit ac purius fluminis lotura frequens,  
 Alteram causam voluit esse meatuum obturationem,  
 cum occlusus calor in fundo ripisque conuoluitur in se  
 met, & concoquitur ad auri substantiam nobiliorem  
 depromendam, atque isthæc ille dum haberet mentionē  
 locorum in quibus metalla generentur. Ego vero ex flu-  
 minis decursu collectum aurum dici apud me seruaui  
 nitidissimum quidem & modicis admodum ramentis  
 disseparatum. Quod cum propterea purissimum aurum  
 putauissem factō periculo multum habere admixtum  
 argenti compertum est. Albertus idem mox cum de  
 auri natura differit, & granum ait inuentum, quod  
 multarum librarum pondus excederet. Centum mar-  
 charum vocabulo usus est ille, id autem barbarum no-  
 men octo designat vntias, ut octies centum vntijs fuis-  
 se granum, qui perpenderunt, deprehenderint. in Germa-  
 nia quoque montanum aurum sua tempestate narrat in-  
 uentum, quod dum excoquebatur minus cæteris consu-  
 mebatur,

mebatur, vilioris tamen fuisse precij propter novitatem  
 prodit quam certè causam, ut potè subtiliorem Plinius  
 omiserat, qui plures nihilominus auri collectiones planè  
 citauerat ex fluminum ramentis, ut in Tago Hyspa-  
 nie, Pado Italia, Hebro Traccis, Pactolo Asia, Gan-  
 ge India, nec ullum esse absolutius aurum prodiderat,  
 ut cursu ipso tritum atque politum. Non tacuit etiam  
 puteorum scrobes, montiumq; ruinas: Nec ommissit Ca-  
 nalitium, canalienseue, & quod glareæ marmoris in-  
 heret aurum, & tanquam per venas diuagaretur.  
 Itaque & ab his qui montium in cauernis, fluuiorum  
 in ripis, & in pelagi littoribus quærant aurum abijs:  
 item quibus se se illud obtulit aliud agentibus erudiri po-  
 tuerunt artifices, ipsiusque indagare naturam, mox ge-  
 nitalem calorem imitari, nunc igne semitopito, nunc len-  
 to, nunc acri, atque eo modo vires experiri artis cum  
 natura coniunctæ, & multis tandem experimentis velu-  
 ti ex genituali inuolucro, veri auri fœtum, educere, &  
 tanquam obstetricari, idque sepe faciitando artem nan-  
 cisci, quæ non solum naturam dicitur imitari, sed pla-  
 nè perficere, ut non absolum hinc videri queat quod  
 multis asseritur iam factum & me vidisse non abnuo,  
 idest fieri per artem posse naturæ. adiumento aurum  
 auro nativo perfectius, certè coloratius, & Alberti per-  
 suasit auctoritas, & ostendit experientia apud multos  
 etiam à philosopho Psello prodita litteris, qua docuit arte  
 fieri



fieri perfectius aurum micis ramentis, frustulisque, Pacto  
 li, atq; , ut eius uerbis utar χρυσὸς ἀδύστερον τῶν τῶν παχέων  
 λισμάτων cæterum si inter id aurum quod ab immis terræ  
 latebris eruitur discrimen inuenitur, ut aliud alio pre-  
 ciosius existimetur, quod nisi & Plinius narrauisset,  
 & Albertus & Diodorus etiam ut inter initia diceba-  
 mus: sacræ tamen literæ prius asseruerunt, quarum testi-  
 monio nouimus Iudicum aurum prestabilius cæteris ha-  
 beri, si discrimen inquam inuenitur in opere naturæ, cur  
 id erit abnuendum in operibus artis? quæ non solum su-  
 perat in perfectiorem artem, verum etiam & ope mini-  
 sterioque naturæ, naturam quandoque ipsam emulando  
 superat, ut ante diximus, & habemus compertum in co-  
 loribus, saporibus, alijsque per multis sanè scriptum  
 est in sacra Genesi in terra Chauilah, sed apud lxx. &  
 vulgatam editionem iacet euilat quam esse in India ve-  
 teres produnt nasci aurum, & terræ illius aurum esse op-  
 timum, si latine stamus translationi καλὸν lxx. interpre-  
 tes verterunt ex hebreo contextu, quod & si bonum ma-  
 nis interpretari vel pulchrum, certè comparationem  
 non effuges, nisi malueris confiteri non esse bonū pulchrūue  
 aurum, quod alijs in prouincijs gigneretur. Quid enim est  
 causæ ut aurum per excellentiam ibi esse diceretur, & bo-  
 num aurum? nisi aliubi non esse bonum aurum, aut ea  
 non esse præditum bonitate, qua polleret aurum euilat?  
 comparatione vero dici optimum dubitari nequit, & bo-  
 num

num pariter comparatione dici non abnuet, dum in sui generis substantia referatur ad id, quod eadem non sit præditum bonitate; ergo discrimen auri colligere nos in natura opus est, discrimen inquam vel specie, vel gradu, quod sanè discrimen nec in arte ipsa, si ars arti conferatur, nec in arte, quæ cum natura contendit, est abnegandum. adest & Plinij testimonium vocantis aurum excellens, id quo ex auripigmento Caius Cæsar confecisset, de qua re suo loco, latius eodem auctore mandatum est memoriae, omni auro inesse argentum uario pondere, alibi dena, alibi nona, alibi octava, parte, alibi quinta, quæ portio constituit electrum, repugnans veneno: Quibus ex rebus multa produntur auri discrimina. Adde quod alijs metallis aurum inest alibi purius, impurius alibi. Quid? quod & rebus nō metallicis inest aurum sic, ut magni Alberti testimonio in futuris humani Cranci, capillisq; circumiacentibus sit inuentum. Inuentum quoque aurum est in perdicum uentriculis tempestate mea, siue id ille dum in terræ superficie conspiceretur instar granorum deglutierunt, siue generatum sit ex eduliorum occulta potestate, quibus e terra sint auri exordia communicata, precipue in masorum montibus herbarum potestate nobilitatis, quandoquidem non longe a fucino lacu parte quadā albani cāpi perdices illas diuersari, dum eis in locis adhuc penè puer militarē non sine demiratione percepi causā,

tunc



tunc ignorabam. nec satis perquirebam ad hanc diem, fortassis indeprehenſam, quamquam eam de principijs auri pendere conijctio, tum quod nihil prohibet id quod in terræ cauernis occultitur, etiam in ſuperficie reperiri quandoque poſſe, tum quod herbis ipſis atque radicibus vim ineſſe poſſe, ut ſic loquar, aurificam negari, niſi proterue non poteſt, tum quod ſimilia ſunt viſa etiam in quadrupedibus animantibus: referunt enim digni fide viri ſe Cræteis in montibus ibices viſiſſe, quorum dentes aurigineo colore ſuffuſi eſſent, præcipue qua parte prodeunt è gingiuis, atque herbas tangunt, quarum eſt in Ida Cræte decantata celebritas. Mitto eius naturam auri quod obrizo vocauit græcia, tamenſi placuit Iſidoro & ſectatoribus latinum eſſe vocabulum, quod obradiet ſplendore. Nec abeſt à veri ſimilitudine de Plinio tractum id eſſe, qui ſcripſit aurum, qui ignis ſimile colore rubet, atque ipſum obrizum vocant, ſed qui græcas percaluere literas, inter quos Hermolaus vir naturæ etatis maluit græce vocabulum effictum quaſi ἀργύριον hoc eſt tenerum, molle, delicatumue, ſiue ut mihi venit in mentem foraffis ὀψις, quod ex optimo prodeat germine, quaſique legitima radice ſuboleſcat, ſiue id malueris eſſe natura comparatum, ſiue arte ſuperante naturam. Hebrei habent pro obrizo, quod ſeptuaginta repoſuerunt interpretes, aliquando loci nomen, aliquando verbum, quod puriſſimum queas in latinum conuertere, & quandoque etiam

etiam ab eo nomine quod proprie purissimo respondeat, non abhorruerunt, atque fortassis id ipsum est quod, apyron, appellauit antiquitas, authore Diodoro effossum è cuniculis Arabia, nullo igne liquefactum, colore ita lucido, ut ipso inclusos auro preciosos lapides reddat splendidiores, ut obiter inde subnotem monstratum antea locum psal mi, & dabitur ei de auro Arabia. Nam præter alias significationes ad metalli eius præcellentiam pertinere potest ut ex ea conscendatur animo ad supremum apicem sapientiæ, quam sub auri uocabulo mystico nomine constat indicatam. Itaque promit natura varijs modis aurum, ars item interdum naturæ ministra, interdum emula, eiusque ipsius auxilio victrix, varie quoque promere solet, falluntur enim plurimi estimantes artis potestatem non sicuti par est, quippe qui rentur ita subesse illam naturali facultati, ut non censeant naturæ dignam nomine, quo tamen in primis pollet: est enim natura quadam cognitione prædita, cum sit habitus animi ratione vigentis, & intelligentis, quo munere naturam mutatam (&) ratione intranea destitutam regit, atque disponit, & inter regendum & moderandum, cum imitatur eam, tum emulatur, tum superat. Adde quod inter naturæ laudes illa etiam quandoque numerata sit, quod artem simulet: sic in figuris suapte natura delineatis in marmore: sic in gemma Polycratis, alijsque permultis planè compertum est, sic etiam  
inge-

ingeniosus Poeta retulit, naturam duxisse nativum arcum artis imitatione, per illa carmina, cuius in extremo est, Antrum nemorale recessu arte laboratum, nulla simulaverat artem ingenio natura suo. Nam pumice viuo, & lenibus topis nativum duxerat arcum. sed de artis potestate paulopost, tantum id hoc loco deductum sit, ut compefiantur tanto magis qui pergunt inficiari artem, ad faciendum aurum aspirare, nisi frustra, quanto magis nulla id ratione contendunt, & contra fiat, tantumque absit ut id nequeat quod etiam valeat nature adiumento & accessione diligentia mutam superare naturam.

QUINQUE MODI GENERATIM AVRVM  
 posse fieri per artem, quæ ac etiam in re ut in  
 alijs plurimis naturam artis industria destitutam superet.  
 Cap. VIII.



Superat ars in Chrysopeia paranda, superat adiumento nature naturam ipsam artis beneficio, destitutam. Non in splendore solum vix diximus, sed & in celeritate conficiendi, quod fiet inter narrandum experimenta manifestum: superat etiam sic ut methodis pluribus id consequatur: nam quinque modis genera

tim aurum per artem fieri potest: Primum dum metal-  
lum extrahitur à metallo, ut cum ex ære argentum excer-  
nitur, quod me vidisse memini. Delitefcunt enim in  
alterutris metalla sæpe numero, præcipueque argentum  
in auro. Contraque fit, ut & aurum in argento reperiatur  
ocultum, obnubitur etiam plumbo & æri non nihil me-  
talli perfectioris. Deinde compositione rerum metalli-  
carum paratur aurum, quibus rebus mineralia nomen  
factum est à vulgo, barbaram appellationem secuto: sunt  
enim eis in rebus metallicis auri principia, præcipueque  
vino in argento & in sulphure quod non sensit ignem,  
quod etiam me vidisse non abnuo. Tercio fit aurum ex  
auri semine, semen appello vim prolificam: est enim  
indita cuicumq; rei naturali uirtus quedam ut se pro-  
paget. Quarto ex re, quæ perfectior auro sit, aurum  
paratur, non tamen sine auri semine conflatur ea res,  
nec sine principijs alijs, quæ sint apta generationi, su-  
mmum fuit hac in re philosophorum ingenium præcellens  
industria demirandum artificium, quandoquidem par-  
tes rei quas deligunt ad conficiendum aurum, argentum,  
ne diffeparant multas in naturas, quæ proportionem qua-  
dam respondent & elementis, & celo, siue illud uclut  
quintam essentiam constituent more peripatetico, siue  
tanquam plurimum ignem ritu Platoniorum, iun-  
guntque & auri & hydrargirij semina, ut quemad-  
modum sublimaria iuncta celo, & elementis tanquam

*uniuersalibus causis, & particularibus etiam rerum  
 seminibus propagantur, sic ipsi utuntur suis illis natu-  
 ris, metallorumque & rerum metallicarum seminibus,  
 ad auri atque argenti numerosissimam fecunditatem.  
 Hic autem modus & generalis est, & magnarum re-  
 rum effector, tres, quos ante narrauimus particulares  
 appellantur. Quintus vocatur is, qui priore ignobiliore  
 que metalli forma disiecta, & posteriorem & potio-  
 rem formam in materiam metallicam inducit; Pri-  
 mus modus lucri est, minimi secundus, mediocris ter-  
 tius, & quintus magni, & quartus maximi; Nec ad-  
 mirandum quod ante diximus, artem naturæ beneficio  
 superare naturam, in alijs etiam rebus quæ auro facien-  
 di conducunt, præstare naturæ artem usam naturæ be-  
 neficio videamus: siquidem in aqua, in oleo, in sale  
 confectis per artem ipsam mirabiles inesse à Deo po-  
 testates, notum est, ut eis ipsis, & aquæ, & salis, & olei  
 quæ peperit natura vires æquare non detur: proinde  
 longissime falluntur, qui putant eò non posse aspirare  
 artem, quò pergit natura, ut propterea quod nati-  
 uum est, & suapte ingenio fructum, semper sublimius  
 habendum sit, atque perfectius, si conferatur ei quod  
 ars molitur. Neque enim collatas volumus per sese  
 atque seorsum vires naturæ viribus artis, sed artem na-  
 turæ fretā muneribus componi posse dicimus naturæ (ut  
 ita dixerim) nudæ & inertī, atque ita componi, ut ars*

*inter-*

interdum prestantior esse, & videatur, & sit: Quid autem mirum? cum etiam nature privilegio non fraudetur ars, quæ quidem uti diximus, & ipsa nature est appellatione cēsenda: nature inquam non surdæ, sed intelligentis, digerentis, atque proficientis. Hoc in domibus, in vestimentis, in omni vite munere perspicimus, quod rude prorsus & impolitum esset, ni ars humane mentis, hoc est nature melioris, tanquam nobilissimum animatumque instrumentum accessisset, cuius industria factum, ut qui in cauernis Chryprisque montium delituisse homines exesis, videlicet escauatisque in fornices domūculis multorum decursu seculorum paucis hebdomadibus, non incasis modo, sed in palacijs degant, qui frondibus arborum, qui pellibus animantium inconditis operirentur lanneis, lineisque pannis non nisi arte confectis vestiātur, qui crudis oleribus, ferino lacte, sanguinolenta carne vescerētur paratis ad salubritatem & non indecoram uoluptatem cibis eius artis beneficio nutriantur. Denique si percentes uniuersa, reperies, artem perfectam hoc est sapientem naturam hominis mutę nature quę illi subternitur antecellere: Quibus rebus colligitur non esse dignum stupore, ut quod hæc centum molitur annis, illa paucis diebus, & paucis etiam horis eius ipsius ministerio compleat: sic medicina, pictura militaris aucta atque firmata est: sic philosophia vires adepta est, & theologie plurimum famulata, cum nature contemplatio hominis



ingenio fræta & experimento firmata vires potestatesque sublunarium rerum, herbarum, fruticum, lapidum, animalium indagauerit, quarum noticia in admirationem exciuerit genus humanum, & perduxerit ad prouidentie diuinæ consideranda secreta: multa quoque procedentibus seculis aperiuntur arte, quæ quoniam antiquitus non viscebantur ab his, qui rem oculis non percipere, vix credi queant. Mirabatur olim vetustas inesse fontibus nonnullis vim saxificam, cum spectarent decurrentes riuulos aquarum longo post tempore herbis & cespitibus, lapideam continua irrigatione communicasse naturam. Mirabar & ego dum id non solum sepe legissem, sed etiam semel vidissem in Italiæ finibus, cum per telinam vallem à ripa Larij lacus ad alpes rhetias iter facerem: sed desijt admiratio postquam spectauit non iam manipulos filicum, aut ulmi frondes annua madefactione versas in tophum, sed ictu penè oculi ferrum, argentum, aurum versos in humorem. Adde miras ipsarum, quæ paucis ante seculis compositæ sunt, peculiaresque dotes aquarum, cum alia ferrum: Es alia voret, aurum alia, argentum alia: Mittam vulgarem illam & notissimam qua secernitur argentum ab auro, uti de eis quas natura profudit, quasque & in quintodecimo libro Poeta, (ff) in xxj. uolumine naturalis historis collector ducit in medium, nulla iam subire mentem possit demiratio proderem, nisi non paradoxon id modo, sed adynaton lector existimaret

timaret me vidisse aquam, quæ bibi sine ullo, ut arbitror, nocumento posset, cui super hydrargiro solo, quod in sublime sit elatum vis, insit, quæ non inest acerrimis, & consumptricibus aquis: super sale vero quem fluuiatilis & putealis aqua dissoluit, nulla omnino potestas sit, & hæc quidem artis munera chemistorum ingenio vestigata, cuius etiam artis id insigne quod & inspexit, & tetigit theologicum illud, quod muta natura, vel de longinquo, cum & per transenam allucinata dicitur, idest admirabilem palingenesiam paruo tempore posse fieri naturalium rerum sine miraculo nouo supremæ potestatis, quæ cum accesserit, dubium esse non queat, etiam peruicacibus ingenijs efficiendam, quam inde tenemus æternam, in ictu oculi palingenesiam vidit, & aliud idest corpora crassiora persubtiliora, atque hæc per spiritus regi subtiliores, sic ut maior omnino vis subtilissimo insit tenuissimoque spiritui quam vastæ molis corpori, exemploque potest hoc omnibus in promptu esse. Ponat quis si adsit commoditas & aluminis & eius salis, quod è laterculis exsudat coctilibus decemmillia pondo super una argenti lamina parui ponderis ut soluatur in aquam, nunquā soluetur etiam si decem annis pressa tantis ponderibus fuerit. Ponat vntiolam vaporum subtiliorum, qui de illis eisdem rebus effluerint ac tantum argentum, quod erat forma solida fluidi

*naturam humoris induet, hoc non naturæ sed artis opus naturam pertractantis, nec id quidem vario defultorioque ingenio, sed statò, firmoque tenore sic, ut nequeat, & ab imperitis varietas effectus in medium duci, quemadmodum peritis olim doctisque scriptoribus, Plinio, Seneca, Vitruvio contigit, cum de Styge aqua differerent, opere s. non artis, sed naturæ, quam aquam alius perrodere dixit, alius coagelascere, alius dissilire: contraria planè sunt hæc, nec coherentiamunia, subde oleum, quo intime penetrantur ipsa metalla, quo fatiscunt, quo tabescunt, quo liquantur, quo & intus & in cute colorantur. Nec sileam multiplicem salis confectionem, quo superatur ita marinus, Montanus, arenarius sal apud vetustatem cogniti, ut ipso sale per artem confecto saliri eorum (ut sic dixerim) quodcumque posset: id autem fit ex rebus, quæ nullo modo vident ardere ex rebus etiam tam calidis & obnoxijis igni, quam quod maxime ut me de sulphure vidisse non abnuo tractum salem contemptorem flammæ & eximio splendore sic fulgidum, & candidum, ut ei conferri merito nequeat ille, quem produnt græci scriptores rerum gestarum Alessandri Macedonis in Egyptum, dono mittere solitos antistites Hammonis oraculi, fuit & ante paucos dies (ut nosti) iussu meo confectus sal tam visu pulcher quam suavis gustu ex herba, cuius meæ pascua Ditionis*

*Fer-*

*Ferrariae, & Mantuanae ditioni contermina precipue referta sunt. Nam cum penderent mihi pastores externi vectigal ex ea, ut potè cuius es a pecudinibus agris afferetur auxilium, cogitavi salem, quem gustatu referebat herba in causa esse sanitati, atque ita dum padus consuetis ripis coercetur, ne vicinos campos innudet, non spernenda copia se se nobis esibet montano & maritimo sale ut pulchrior, suaviorque, ita rebus quoque metallicis, ni coniectura me fallit, ac commodatior, ommissum faciam penetrantem, exicantem, & adurètem potestatem paruo temporis momento arte compertam, cuius impetu prioris disijcitur metalli forma, qua disiecta, facile potest immiti, generarique alia eiusdem artis ministerio, & ope naturæ. Quam & si regi quamquam mutam ab intelligentia non errante dixerit quispiam, ex aduerso negari tamen non poterit afferri plus adiumenti rei constituendæ, cum mens etiam hominis arte instructa, & usu confirmata suppetias attulerit, multo certè maiora visuntur, ne dum scripta leguntur, quam quod metalla promiscue fiant, humano artificio paucis diebus, quamvis ea natura non generet, nisi post annorum multa curricula. Proinde Michael Psellus paucis scedulis artem scribens quam sub trutina philosophiæ prius examinandam susceperat, recipi miratur præditam à Strabone naturalem vim quan-*

*dam fontis transmutantem non recipi metallorum ver-  
sas in alterutrum artis beneficio formas, quarum mul-  
tas ille commemorat. Negotium alioqui ut idem cen-  
set . . . \* . . . nisi honesta quadam vi, qui praeceperat,  
coegisset.*

---

NECESSARIUM NON ESSE, VT AVRI  
per artem conficiendi peritus subtilioris philo-  
sophiae profundam & abstrusam cogni-  
tionem sit sequutus.

Cap. I X.



*EC* audiendi, qui dicunt esse neces-  
sariam uti elementorum prima-  
rumque ab eis dissultantium quali-  
tatum proportionem ad aurum fa-  
ciendum pernoscamus: inuenti enim  
sunt, qui sic sint fabulati, nihil enim  
eorum quod natura promit, cognitum nobis esset si pri-  
mordia ipsorum necesse esset antea pernouisse: illuc. n. nec  
sensus pertingit, nec ratio penetrat, nisi coniecturis qui-  
busdam incertis plurimum, & in utramque partem  
vacillantibus.

Sed nec abstrusis etiam causis indagandis vacauisse  
necesse est peritum artificem auri conficiendi satis est, si  
suapte ingenio naturæ ministrum se præbeat semper gi-  
gnentis, & promentis quicquam prout ei superne man-  
datum

*datum est, sic obstetrix fetus naturam quam prorsus ignorat, non perquirat, sed egerenti fœtum mulieri dat operam: sic agriculator tritici, & ordeï qualitatibus pernoscentis nuntium remittens, ubi earum segetum semina terræ commiserit, ubi occauerit & fouerit, non frustra sui laboris præmium expectat, scilicet numero-  
se, & omnem fœtum exuberantis sobolis, idem cum incumbit inficioni, non qualis sit utriusque arboris, qua ipse committit natura, non qualis habeatur forma glutinis, non quo modo liber mollescat libro curiose sci-  
scitatur, at cuneis adaëctis, at insertis oculis subole-  
scentem prolem inspectat, qua flores fructusque pro-  
muntur; Quid? quod homo, quem cum sole hominem gignere scripsit Aristotiles prolem educit semine, non semper tamen, nam ex centum, ex mille etiam congres-  
sibus vix unus quandoque non irritus, sed ut sit ratus, ut etiã sit numerosus, nihilo tamen minus sui seminis ignorat ipse naturam, quæ nec plene philosophis cogni-  
ta, nec medicis rixantibus iam dudum inter se se an sit quod superfluit alimento, an è cerebro, an è toto cor-  
pore, an aliunde fluat. Projiciatur ne à solo mare? num & fœmina quicquam seminis profundatur, quæ cum incerta, cum prorsus etiam ignorata illi sit, non frustratur propterea sobole, sed si prolificum semem-  
eius fuerit, idque proprijs locis receperit non sterilis mulier, concurrantque reliqua munia, tam agentis viri,  
quam*

quam patientis femina ad eundem effectum necessaria, concipitur infans ipso naturæ ordine, & suo tempore prodit in lucem: non secus in arte conficiendi aurum quæ instrumentis operantur longè præstantissima, considerandum est euenire: neque enim fuerit necesse uti pernoscant artifices omnia genera, speciesque rerum metallicarum, quibus mineralia fecit nomen, vulgus; ea enim vix pernouit parens ipsa, quæ in terræ cavernis occultitur natua rerum, tot. s. sunt tanta diuersitate, tam amplo & penitus inscrutabili numero: sed satis est percaluisse cognatiores naturas experimento cognitas, sat pernouisse mutationis instituta: non tamen pernegamus sapientiores habendos artifices eos, qui natura causarum efficientium haberent exploratam, ut percallerent in communi elementorum materia propriam indere formam auri: aut etiam postquam ipsa materia communis occupata esset à forma ignobilioris metalli, fauere illi, & tanquam mederi didicisset, sic ut pellere possent priorem & ab arrepta deturbare sede, atque interpellendum viam percallerent, qua subinde nobiliorem ipsa in sede quirent collocare, quales pauci illi priores, qui nouerunt quædam esse abstrusa in metallis ad se multiplicandum semina, quod & scripsisse Aristotilem in secundo de animalium generatione libro manifestum est, dum causam indicat proficisci seminis rerum naturalium, eamque fert acceptam, non igni, aut

tali potestati, sed ei calido qui continetur in semine, &  
 res pumosa, quem spiritus vocabulo exprimit, in quo sit  
 natura elementorum stellarum proportionem respondens,  
 placuit Aristotelis verba græca subscribere, quæ variè  
 sunt in latinum translata, πάντων ὧν γὰρ ἐν τῷ σπέρματι  
 ἔχουσιν, ὅπερ ποιεῖ γόνιμα εἶναι τὰ σπέρματα τοῦ καλοῦμενον  
 θερμὸν τούτου τοῦ πυρὸς οὗ δὲ ταιαυτὴ δύναμις ἐστίν, ἀλλὰ τὸ ἐκπερι-  
 λαμβανόμενον ἐν τῷ σπέρματι, καὶ ἐν ἀρρῶδα πνεύματι καὶ ἢ ἐν  
 τῷ πνεύματι φύσις ἀνάλογος οὖσα τῷ τῶν ἄστρων στοιχείῳ.  
 propterea sapientes artifices omni studio diligentiaque  
 curarunt hanc naturam ex metallis tractam possidere.  
 Cum multi ex peripateticis etiā quintæ fecere nomen  
 essentiae, ut generalem causam tenerent. Quemadmo-  
 dum cælum generalis est causa perducere quoque mo-  
 liti sunt terrosam materiam in pulverem calcis instar  
 excoctæ, diuersaque subinde salis & olei, parauere ge-  
 nera valide potestatis, & fluxiorem materiam cogere  
 in aquam sunt admixti: subtiliorem vero tenuissimos in-  
 vapores & aeris, & ignis, emulantes potestatem.  
 At hoc, ut diximus artificibus omnibus non est neces-  
 sarie, ut pernouerint, proinde carmine sumus inter ini-  
 tia nostrorum enigmatum, quæ si illi tibi certè erunt si-  
 ne enigmate id sic exequuti.

Principio causas abstrusæque germina rerum  
 Qui tenet ille quidem supremus & optimus esto  
 Artifices inter, sed nec nouisse necesse est



Tot nec tanta tibi, ut primun perculmina cœli  
 Perque altos volites tractus præ gradibus alis  
 Mox inde ad matris descendens viscera magna  
 Reptes, spectatum thalamos prolem atque nepotes  
 Sulphuris, & viui argenti in caligine ceca  
 Te mihi crede sat est vires tenuisse propinquas,  
 Vnum efficias gemino, quod pendet ab ortu.

& quæ sequuntur illic visenda, sed quantum ad propositum  
 præsentis disputationis pertinet, sat sit artificibus non igno-  
 rare quæ narrauimus, sat probè tenere secreta quæ-  
 piam & vulgo ignota pondera rerum, & vasorum va-  
 rietates, quibus paratur & quorum magister est expe-  
 rientia ope naturæ perdocta, de quibus quandoque dis-  
 seruit Albertus cum verba faceret de locis ubi metal-  
 la generantur, quanquam Juniores longè plurima in-  
 uenerunt atque parauerunt vasa eadem quoque natura  
 duce, & industria, oppido perquam nixa experimen-  
 tis, tepores etiam nouerunt & acres, flammæ, &  
 idoneum tempus ignis adhibendi & remouendi. Nec  
 non receptacula vel vitrea vel terrea parando operi con-  
 grua, quibus admodum suffragatur noua materies in  
 terræ cauernis inuenta, quæ latuit vetustatem.



## FACILIVS AVRVM NOSTRO SECVLO

quam seculis prioribus posse fieri, vbi multa &  
 contra vituperatores artis, & contra non-  
 nullos etiam egregios scriptores per-  
 peram de Cinabari, hydrargiro, &  
 plerisque rebus alijs dissen-  
 tientes, Cap. X.



**M**IS autem rebus potest nostra tem-  
 pestate facilius aurum fieri quam  
 apud antiquos: illi enim simplicius  
 rem peragebant ¶ quibus uteban-  
 tur rebus, ipsi nunc utuntur pauci,  
 sed alijs & longè quidem plurimis,  
 tamen si erat apud eos vsus quarundam rerum metallica-  
 rum, quarum nec satis habetur apud nostros artifices no-  
 minis sincera cognitio, est enim æxas verbi causa, nam  
 quamquam nonnulli illam se se tenere putant, longe fal-  
 luntur; Ego uero tres ni fallor ad minus res inueniri non  
 dubito, quibus id nomen competere possit. Pyritem quis no-  
 uit, nisi easit (ut quidam existimant) quæ vulgo dicitur  
 Marcasita: sandaracam puto non cognosci, nisi eam quæ  
 mihi Venetijs allata rubri sulphuris nomine vocabatur.  
 Cinabarim, cum dicis, quis non retur te Bucasis arabis  
 compositionem dicere ex viuo argento sulphureque coag-  
 mentatâ, à vera Cinabari tam distantem quod à Leone  
 symia, est in colore aliqua nulla in re similitudo, ut suo  
 loco manifestum fiet, Quis monstrabit Chrysocoliam  
 veteribus

veteribus artificibus & auri facienti magistris decantatam eam, inquā, natiuam Chrysocolam, non illam, quam Plinius docuit, ne dixerim an subinuit, nec eam quam Galenus indicauit. Nam cuius vis est ipsam conficere: sed nihilominus plura nos habemus non solum aduecta regionibus longinquis, sed in ipsa Italia comperita. Nam multa de terræ cauernis eruntur metallica, quibus veteres compotes non fuerunt: existimo fieri singulis penè diebus, idque testimonijs non abiiciendis assertum est, diuersas rerum metallicarum mixtiones, quarum & varij colores habentur & sapores ita promittur ab eis effectus varij indicantibus probè substantiam accidentibus, ea vero cum maiori copia nunc patent, minori que pretio veneunt, neque hoc solum asseruerim, propterea quod antiquitus fodinis Italicis Romanorum decreto parceretur. Nam quanquam aliunde multa importantur, passimque suppeditantur, que ad rem maximo opere faciant: pleraque tamen nascuntur & componuntur, etiam ut dixi plurima, que non nouit antiquitas, Calcantum verbi gratia, cum dicebant illi, paucis conficiebant negotium: neque n. albi nulla mentio cuius attritu Cyaneus apparet color, est & uidere cinereo pallore. Calcarū est & uiridi facie. & saphirina, & uaria, quibus ut color, ita potestas longe diuersa, sulphur, cum dicebat ἀπὸ πυρὸς hoc est non expertum ignem, num ultra fortassis antiqui progrediebantur. Videas nunc

Απύρον

Apyron ipsum colore subfulgido, velut electrum, videas & album, & cinereum, & viride, & flauum, & nigrum, & ruffum, sic ut flammeo colore videatur cum rubrica contendere. alia prætereo quæ quoniã nec græca tenent, nec latina vocabula, minime hoc loco percensuerim apud Aristotilem non temere neque serio inuenies, nominatim citari aliud quã *σαδάρανον καὶ ὤψαν καὶ πύλινον καὶ ἄλλ' αἷον* & paulo post *κιννάβαρις* ducitur in mediũ veluti lapis, non illa cinabaris cuius componendę ex viuo argento, & sulphure Bucasis Arabs inuentor est habitus, nec illa quidem quam perhibent ex pugna draconum & elephantum in India gigni, sed quę de terrę cauernis eruebatur, & importabatur ex Affrica, meætate bis quod sciam in Italia visa est raram etiam eam tempore Augusti fuisse scriptum reliquerunt, & Dioscorides & Virruuius, quorum alter pro medica facultate, alter pro ædium pictura de rebus metallicis disseruit sunt autem & dicuntur ea metallica quę in fodiinis metallorum inueniuntur, ex illis enim erruuntur auctore Theophrasto, & Chrysocola, & Cyanus, & Ochra, & minium, & sandaraca, tametsi Chrysocola, & Cyanus arenosa sint, Ochra & minium terrea, sandaraca verò & arrenicon ( ille hoc nomine citat ) quod alij dicunt arsenicum, puluerea, nihilq; distare illa inter se, memoris prodidit, hoc ex loco non est prætereundum colligi posse, fidem abrogandam esse scriptoribus

ribus quibusdam, nominis alioqui satis celebris, & in Ochra describenda & in alijs plerisque. Primum docet Theophrastus, Ochram nil ab arenico differre: Plinio vero longe aliter, qui & in alijs etiam apertissime latetur, nam cum Chrysocolam, sulphur, Cinabarim citasset Plinius, minium quoque voluit ipsum esse, græcis Milton, & Cynabarim nuncupari: alibi vero hoc ipsum detestatur, certè aliud Milton, aliud Cynabarim esse inuenies, & apud Aristotilem, & apud Theophrastum etiam apud Galenum, qui aliam citat etiam Milton Lemniam, hoc est terram illam repugnantem venenis, cuius vigintimillia glebularum dicit accepisse signatas à sacerdote, dum insule appulisset Lemno, sed præter hæc, certè diuersam à Cynabari Milton, inuenies apud alios egregios rerum naturæ scriptores, quorum aliqui non *κινάβαρι* sed *κινάβαρι* nuncupant eius duas species indicat Theophrastus. Alteram suapte natura in Hiberia, & Colchis natam, alteram arte confectam, non iam ex viuo argento & sulphure, sed ex arena coccinea, quam Atheniensis Callias ante annos nonaginta primus excogitasset, dum ex ea sperasset aurum elicere. Qua in re, non simplicem modo, sed multiplicem Plinij deprehendas errorem. Nam & minium pro Cynabari docet à Callia confectum auctoritate Theophrasti, qui tamen apertissime secernit alterum ab altero, seorsumque de minio, seorsum de Cynabari

bari verba facit. Preterea scribit ipse harenosam esse Cynabarim, Theophrastus vero lapideam, atque ut sua loquitur lingua καὶ δὲ ἑξ ὧν quod Aristoteles ante prodiderat per hæc verba τὰ δὲ λίθος ἐκ ταύτης γένητος οὕτως οὐκ ἐκ κιννάου. Preterea minium, quod ἀμύνη vocavit Dioscorides, nasci docet in Epheso Plinius, cuius rei nullum verbum in Theophrasti monimentis: scribit enim Theophrastus, in Epheso fieri Cynabarim arte, atque ut ipse loquitur κατὰ γὰρ βίαν. Quomodo in colchis & Hyberia nasci Cynabarim sponte nature, eiusdem repono verbum ἀποφύει Cynabaris igitur factitius locum designavit in Epheso, naturalis apud Hyberos, & colcos: Minio vero non ei quod nunc fit ex plumbō & minij naturalis colorem emulatur, sed cuius est e terre profundissimæ latebris coquisitio, loca diuersa tribuit tamet si duo minij fecit genera, ut alterum per se nasceretur, alterum conficeret arte, Vnde illa eius verba, ὅστις δὲ ὅπερ καὶ μίκτης μὲν αὐτόματος ἢ δὲ τεχνικῇ. Ad hæc Theophrastus Cynabarim memorie prodidit durā esse valde atq; lapideā, quod ipse quoq; testari possū, & oculis aduersantiū planè subscire. Miltō vero hoc est minij & Ochra terre nature speciē preferre docet, quo loco etiā miraremur Hermolaum si Dioscoridis Corrolariū edidisset, non emendantem errores Plin. quos uoluit in sua, q̄ ediderat Pliniana castigatione defendere. Ceterū quos Cynabaris modos tantūmodo citat ipse Theophrastus

F nullam

nullam habens mentionem draconum, & elephantum sanguinis, quem Cynabaris nomine citat Plinius, & quem ante Dioscorides exploserat à vera Cynalari differentem, quam (ut opinor) voluit Bucasis vel quivis alius antiquior imitari, & minime potuit, colorem quadam ex parte non ex integro consequutus: nam factitia Cynabaris in fronte suum ruborem naturalis in recessu gestat splendidior multo, & quod sanguinem representet magis, unde ortum habuerit opinio el si sanguinis ex pugna draconum & elephantum, siue historia fuerit eius rei origo, siue fabula. Adde quod Cynabaris naturalis cum aduritur flamma eius illustrior est atque sincerior, nebulosior factitiæ, ex cuius rogo nihil restat. Restat ex eo, quam natura peperit, in qua videas vivi argenti scintillare micæ, in factitia quasdam quasi lineas crebriores hydrargiri: neque enim separaverim vivum argentum ab hydrargyro Plinij more factitium hunc, illud nativum arbitrantis contra Dioscoridem eodem citat nomine, tam quod factitium est ex minio, quam quod natura bifariam parit, dum ex argentarijs pendet spelunca: um fornicibus, ubi concrevit in guttas, & dum è fodinis etiam per se colligitur. Proinde magnus (ut mihi videtur) hinc deprehenditur Plinij error, ab alijs etiã aliquando taxatus, quippe qui secernit in duo genera, quod unum est duntaxat è lapide illud fluere arbitratus: eius enim ut inquit vomica liquoris æterni, quod rerum

rerum omnium venenum sit, hunc autem aliunde proficisci ratus, ergo apud Dioscoridem, & alios boni nominis scriptores hydrargiros est idem quod vinum argentum, apud Plinium non idem, græci siquidem illud aquam argenteam nuncupauerunt, ab aque & colore & fluuido liquore, latini de ipso motu vinum appellauerunt, sibi quoque ipsi non satis hacin re constare uidetur. Idem Plinius cum hydrargirij nomine usus solo inaurari dicat argentum, satis enim prodidit non differre illum à vino argento, quo utuntur solo fabri, cum aurata vasa reddunt ex meris argenti. eodemmet etiam utebantur (quis neget) ij, quorum meminit Vitruuius in septimo: scribit autem fieri vinum argentum ex marmoreis fragmentis cum id colligunt artifices, postquam resedit fumus ignis, uapore iuscitatus, & eodem pariter uti eos quis dubitat? qui non modo ex minio & marmore, sed ex metallis omnibus eruant. quæ in re superatur etiã à posteritate vetustas, nunc enim ex omni metallo, nec difficillime quidem extrahitur siue argentum vinum, siue hydrargiron malueris appellare, nec ex metalli modo, sed ex metallicis rebus complurimis, ut ex eis præstetur occasio demirationis, quod Galenus vir tantus in literis tantus in experimentis versatus estimarit hydrargiron non nasci, sed fieri, eius enim cum de potestate simplicium medicamentorum verba faceret, isthæc verba sunt οὐκ ἐστὶ τῶν ἐλικοῦν φαρμάκων, ἀλλὰ τῶν σκινάζουμένων.



Non est ex ijs pharmacis, quæ sua sponte nascuntur, sed ex ijs, quæ cōficiūtur. Ceterum nec apud Vincentium, nec apud Albertum, qui primi post grecos & arrabas inter doctos viros huiusmodi rerum fecere mentionem: datur legere tam numerosa quam nunc est rerum congeries, cuius usus est apud auri confectores, & argenti. Octo. enī si recte numerati genere post metallorū naturā literis retulit Albertus, sal, Atramentū, Alumē, Arsenicū, in quo conclusit auri pigmentū, quod & maxime debent eo vocari nomine: scribit enim sic Vitruuius auripigmentum quod arsenicon grece dicitur, foditur ponto, Dioscorides eius viri seculi nō eius id esse bonitatis voluit sed pallidius aurei uero coloris, & primæ bonitatis quod in Helleponti Mysia nasceretur, uno tamen & auripigmenti, & arsenici vocabulo est usus, quo etiā post Vitruuiū si sunt & Celsus, & Plinius, tertium genus quod album sit & arabes, latiniq; medici, & Albertus retulerunt, nec defuerunt, qui non albū sed mediū coloris dixerint, qui si de ipso voluerunt intelligi, quod prodidit Albertus sensu repellūtur, ne dum auctoritate. Ad hæc Marcasitam citat Nitrum tuchiam, quāquam ea nō est apud illū opus nature, sed artis. Marcasitam uero cognitam prisca adhuc (ut dictum est) nō inueniri nisi ea sit, quā Dioscorides & Galenus Pyritem vocauerunt, ferturque acceptam Democrito inueniri eas & aureo, & argenteo colore, & areo, addo & staneo, & plumbeo, tamen si pyritem illi gream

in medicaminibus designare videantur, Tuchia vero pro Cadmia sunt qui reponendam voluere, ultimo loco electrum citauit Albertus, quod tamen si natura id peperit inter metalla reponendum, si ars eduxerit, non est inter ea, quae de speleis profundissimis eruntur numerandum. At eo sunt numero nunc ea quae fassores in lucem proferunt ad parandum aurum, ut vix queas paruo temporis spatio recensere: nam praeter album illud arsenicum, cui à Chrystallo fecere nomen & tuchia, quae tamen si quibusdam etiam graecis hoc citetur nomine, Cadmia quae dicebatur antiquitus multa sunt genera marchesia, quarum forte non meminere, multa quoque calchanti genera ut ante narratum, ignota priscis, multa etiam sulphuris. Adde etiam multa talchi genera, multa quoque antimoni apud antiquos nusquam citati, & si quidam sunt auri sub stibio reponere, nulla (ut puto) siue auctoritate preclara, siue valida ratione. Ad haec multa aluminum genera, quae nec voce, nec effectu prodit antiquitas faciendo tum auro mirum patrocipantia, prodam nunc literis, quod ante paucos dies experientia didici, ostentatam mihi fuisse ferrugineam Cinabarim, cuius apud antiquos cum nulla sit mentio nequaquam quidem fuisse crediderim, eam non inuentam quidem à me, nec quae sitam affirmo: quis enim inueniet quod non quaerimus? quis autem quaerat quod n-

*natura rerum esse nunquam audiuerit? illam certè reperi multis coniecturis sub Cinabri, si ulla est, sub re metallica reponendam, pondus ei graue, subniger, cinereusque prima fronte color, qui si teratur, permanet: si aduratur, ruborem ostentat. porrò sulphuris, quod est in ea pars ce rulea cum flamma discendit, primum, deinde quod est uiui argenti prorsus euanescit, reliqua sulphuris pars pertinax est, & flammæ contemptrix: si uerò mergatur liquiddis consumptricium aquarum vaporibus, contra fit. Nā portio sulphurea magno impetu soluitur in aquam, tantum abest, ut igneo resistat liquori: resistit autem uiui argenti portio, quæ minime absumpta in fundo uasis candida residet, rem micam narraui, quam, ut coniector, non nouit uetustas, quæ & si aurum ipsa moliebatur ut antea dictum, paucioribus rebus tamen est uisa. Præterea calcinatione (ut Alberti utar uerbis) sublimatione, destillatione, cæterisque actionibus quorum uel nulla prorsus, uel non explicata priscis auri confectoribus disciplina multa nostræ tempestatis artifices moluntur: eis enim datur eodem auctore elixirim, quo nomen idem ab Arabicis scriptoribus mutuo perceptum, medicinam latini exprimunt, ita penetrari constat priores metallorum species, ut eas corrumpere queat sic, ut relicta solum communi materia, non propria resultet artis molimine, metalli diuersa species. Idē uasa pertractans artificium tigni posse docet, quod-*

quodcumque vis metallum in auri colorem, atque (ut eiusmet propria referam verba) fortè pulchriorem, si fuerit nobile elixir, in quo nihilum errauerit artifex: hoc autem ex loco facilius artem tueri possent, qui essent unā tantum in metallis formam defensuri, nec omnino si ne tutela maneret, qui plures tueri vellet formas, non contentus eis, quas Albertus admisit: eius enim rationibus in aduersum cogitatis responderet, non se se quidem eas perfectas, sed quodam modo inchoatas asserere, quas ille admisit in prima rerum generabilium, corruptibiliumque materia. Verum isthac subtiliora & sunt & habentur, quam ut videantur hoc loco pertractanda, tantum huc sint allata, ut non solum varias tuende artis vias non deesse cognoscant vulgi sententijs obligati, sed plures etiam adesse, quam quibus sint usi veteres artifices, multoque facilius compefci queant qui artem auriferam sine ratione valida deturbare moliuntur sua sede, quam pridem & legitimo titulo, & longa temporum præscriptione, possedit: posunt enim ex ijs, quæ diximus, didicisse, non uno tantum, sed multis modis, aurum fieri posse, multoque commodius, quam sit seculis anterioribus facitatum: nam eorum, quæ ante nota erant, fieri compotes queunt, & artis longo usu creuit industria: subindeque versantibus eandem rem præclaris ingenijs prodijt solertia: quapropter desinere iure debent à calumnijs

importunioribus vituperatores chemice facultatis, qui  
 tametsi in eodem numero non sint subtiliores nature,  
 causas teneant, nec earum capaces rationum quas philosophi  
 peracute uestigarunt, nihilominus nequeunt, inficias  
 ire unicuique rei uestigium pro suo modulo, non deesse bo-  
 nitatis diuine quæ suas effundit dotes, easque arte posse  
 roborari, ut similia progignant: nequeunt item experi-  
 menta negare non absimilia veluti odoris parui longissi-  
 mas afflantis intercapedines fermenti modici, massam  
 farinæ ingentem in sublime tollentis Magnetis ab-  
 sens ferrum sibi coniungentis, echeneidos animantis va-  
 stissimis nauigijs afferentis, moram parui vaporis in-  
 fecti, quo multa hominum millia pestilentia tabe  
 sunt: cur enim si quæ narrauimus contactu ipso & (ut  
 sic dixerim) quodam quasi aspectu virtutis & po-  
 testatis mutant res, ducunt, atque reducunt, quæ ni-  
 sensu ipso deprehensa fuissent, mortalium quispiam  
 non putauisset antea: cur negauerint mutari nequire  
 metalla, sensus adstipuletur, nec ratio reclamet? co-  
 gitent queso, num quispiam unquam hominum suo stu-  
 dio suo quoque labore particulatim potuerit perdidicisse,  
 cur magna Carinæ moles à paruo pisciculo detineatur  
 immobilis? cur ingens farinæ congeries modico sustol-  
 latur fermento? cur minimo rei odoratæ suffitu tota do-  
 mus abunde flagret, vestesque renideantur? cur ferrum nul-  
 la machina protrahatur, & in aere pendeat præsentem  
 magne-

magnete? Cur tenuis inuisibilisque vapor potestatem habeat regiones cum habitatoribus inficiendi, afferrendique pernitiem? Nam quanquam plurima sunt disputata de qualitatibus primis, de intermedijs, de proprijs, de supremis, de immis, de ignotis, ut ad occultarum rerum huiusmodi cognitionem philosophi peruenirent sic, ut quot capita fuerint, tot penè sententias legamus. Nihil tamen aliud quo vicumque quiescere queat animus inuentum est ad hanc diem, quam quod res cui id tribuitur ea sit, quæ dicitur rerum mutua, amicitia, inimicitiaue, atque ut grecis dicebatur sympathia, quæ demum sit abstrusa, quædam natura rerum & indeprehensa, non secus dicendum, cum modico vel vnius vel plurium herbarum succo mobile flui dumque argentum sistitur, & obdurescit: cum item hydrargiros alioqui solam ad ignis potentiam prorsus euavidus vel in argentum vel in aurum uertitur: aut cum salis & aluminium tenuissimis grumis, aut diuersis olei aquarum ve generibus, aut rebus alijs vulgo non cognitis id fiat, si quidem ut ars omnibus eiusmodi tam est eius lata & circumquaque protenta consideratio, nihil elementarium, nihil eorum quæ conflata sunt ex elementis prætermittit, componit item, disjungit, copulat, euellit, susque deque vertit, quod suscipit pertractandum, ut variet, ut nouet, ut perficiat, quod vel subterraneis in specubus, vel in terre superficie comperit

comperit ad rem, quam sibi proposuit absoluendam, fuit apud theologos disputatores quaestio, Creandi ne? hoc est ex nihilo quicquā faciendi, potestatem soli Deo propriā (&) assignatā omnipotentis diuinæ cōmunicare creatæ rei posset ipse creator? & sunt pro alterutra opinione olim dictæ sententiæ, sed utcumque de creatione statuatur, nulli dubium communicatam non esse aut naturæ, aut arti potestatem ea maiorem, qua quicquam priorem ammittit formam, & posteriorem admittit: nam quod natura centum annis fieri dicitur, arte fit unius horæ dimidio, & sepe in horæ parte centesima. Vidi ego monstrante amico non semel, minus decima parte horæ disijci metallum, sic, ut sulphur alta petierit, hydrargiros ima: vidi prioris metalli forma prorsus abolita, subito nouam idest auream solertia artis imponi, non sic natura sola, hoc est artis beneficio destituta facit, non ita vetustas fecit, ut ex antiquis libris est planè perspectum, sed opus erat longiore subselio, imitati sunt & plane sunt emulati naturam posteriores, cum fiat singulis diebus perspicuum celerime in sanguinem, carmemque cibum conueri, siue per coctionem, siue quouis modo alias: nam variæ sunt ab antiquitate, de nutritione dictæ sententiæ. unum tantum hoc loco tetigimus modum præcellentem quidem metalla mutandi: alios superioribus disputationibus indicauimus, quos quoniam supra tractauimus, repetiisse longius minime conuenit.

IO AN. FRANCISCI  
 PICI MIRANDVLAE  
 D. COMITISQ. CONCORD.  
 D E A V R O.

*Liber Tertius.*

---

DE ANTIQVIS EXPERIMENTIS  
 in auro per artem chemicam faciendo,  
 Cap. primum.



**E**GITVS primo libro de auri  
 estimatione monstrātes, nullam cau-  
 sam inueniri quæ sit efficax ad per-  
 suadendum, tantum fieri debere au-  
 rum, ut res vniuersas meriatur, se-  
 cundo varijs allatis opinionibus di-  
 uersæ facultatis authorum, subinde probauimus ex  
 principijs philosophiæ, theologis etiam adstipulantibus,  
 arte posse aurum fieri. Tertio quod habemus in mani-  
 bus et antiqua et recentiora experimenta pertractan-  
 tes, et factum fuisse, et fieri etiam idem aurum  
 conuincemus: subnectemus quoque de usu monita salu-  
 berrima, ne in abusum et dedecus procliuus lapsus fiat;

*Cer-*



Certissimum porro constantissimumque est, & consensu publico firmatum fuisse, aliquando effectum aurum, & arte, & industria hominum, atque ut ab antiquissimis repetam primum hominem, Vicentius Bellouacensis magistrum artis posuit, ut inter initia diximus, & per illi proximos perque Moſen ad apostolicum Dominicum & sua tempora peruenit græcis proditur, quod etiam indicauimus non alia de causa nauigasse in colchida regionem argonautas, nec ut poetica fertur Iasonem ex ætæ regis domo vexisse in greciam phryxi pellē auream, sed librum ex arietis pelle confectum quo noscebatur quibus modis per artem chemicam fieri aurum posset. Proindeque non iniuria præcis illis phryxæum vellus vocatam esse pellē auream, propter auri faciendi potestatem. Videri hoc & in vulgatis & in reconditis libris facile datur, nam apud Snydæ monumenta latè commendatum idest posteritati in elemento paucis autem & suboscure apud Apollonium in secundo argonautico, ubi canit phryxæum vellus, à Mercurio positum esse aureum. Quo in loco græcus enarrator scribit Mercurij contactu pellem arietis aurum effectam, quo quid expressius chemice fauere arti potest: eius enim ea verba. τὸ ἐσπῶν τοῦ ἐρμῆος τὸ δῖνος τοῦ κροῦ γέστας χρυσοῦν. Clarissime verò Charax non tam historia quam philosophia nobilis prodidit memorie, pellē ad quam nauigarunt argonautæ non arietis animantis habendam

*bendam sed methodum fuisse confectiōis auri* *μεμβράνη*  
*ut ille ait, περί αὐτῆς* hoc est membrana compre-  
*hensum, id ipsum uitat Eusthathius in Dionisij Lybici*  
*geographiam. Quid? quod & in prouerbiū cesserat græ-*  
*cis uellus aureum, cum quispiam de rebus uilibus præ-*  
*ciosas conficeret, sub inuolucris etiam fabulorum non so-*  
*lum occuluerunt scriptores antiqui scriptum dogma con-*  
*fectiōis auri comprehensum esse arietis membrana, quæ*  
*in domo Regis Ætæ custodiretur, sed modum etiam*  
*indicatum uoluerunt & Methodum subsignatum,*  
*Draconis & Mercurij nomine, si quidem notissimum*  
*apud artis chemicæ professores uinum argentum, &*  
*Mercurij nomine & Draconis etiam significari voca-*  
*bulo. Proinde confectum dici aurum Mercurij conta-*  
*ctu, & Draconem peruigilem positum ad aureæ pellis*  
*custodiam uolunt: scriptum etiam legimus in orphicis*  
*versibus de raptu uelleris aurei fuisse sub arbore quæ*  
*phryxeam pellē sustineret pratum in quo multa quæ si-*  
*stendo uiuo argento conducere creduntur, aperte cerne-*  
*bantur. Nec solum fructices & olera, sed calcantum,*  
*idest atramentum non calachanton, siue etiam psala-*  
*chantan, ut à re metallica dispesceretur herbarum voca-*  
*bulum: itaque nō uno tantum loco fabulosam pellem, sed*  
*librum, quo ars aurifera doceretur uelleris aurei nomi-*  
*ne signauit antiquitas. Nec abest à similitudine ve-*  
*ri penes uetustatem Chrysopieie, idest faciendi auri*  
*scriptas*

scriptas compositiones pellis aureæ, et agni vel arietis aurei nuncupatione notatas. Vnde illud Ouidij Poetæ, arboris aureæ nomen par est effluxisse, quoniam ex arbore fructus expromuntur, ut ex compositione descripta parantur effectus, qui sunt in uotis, & illud quoque spectare huc videtur furtivæ deuehat aurum pellicula. Nec defuere qui Tantalij quoque diuitias tulerint acceptas chemicæ componi descriptæ in pellibus agni: unde sit & Pelopis filij & Pelopidarum regnum longe, lateque, propagatum, ut hinc absonum visum non sit quæsisse Thyestem natu minorem pelopis agnum, hoc est in agni pelle faciendi auri compositionem exaratam, quam in arcanis habuerit natu maior Atreus, extorseritque Thyestes ab uxore fratris cognitæ stupro ex quo & odia & cruentissimæ cense tragediæ meminerunt huius rei, quâquam obscuro velamento & antiquissimi poetæ, & Cicero, Seneca, & Papirius supra quoque nobis proditum est, Callisthenis auctoritate, non ex velleribus ouium aut uect galibus, verum ex metallis exstitisse diuitias pelopidarum, sed remotissimis etiam sua vetustate rancidis. Non immoremur à phrygibus & græcis ad alias nationes propagata est ars, quam maxime coluerint Egiprij studio sapientiæ deditissimi, apud quos Dioclitiani tēpestare tam publica fuit auri faciendi facultas quam agri colendi, quam sic ad Constantini tempora sua cum auctoritate productam fuisse proditum est, ut eo tem-

pore

pore philosophus Michael Psellus græca lingua libellū de faciendo auro elegantem composuerit. Dicit fortasse quispiam, cur non extat ars ipsa quæ publicè quondam dicitur extitisse? Dicam ego (ut omittam plurima quæ responderi possent) cur non extat ars purpureæ tingendæ vestis, non in Tyro solum & Sidone quodam celebris, sed in toto terrarum orbe decantata? nusquam hoc est, sed nec ostreum illud cuius ex sanguine color parabant apud artifices agnoscit, faciendi auri materia in promptu est, & facultas adest pluribus in locis, etiam si in ægypto funditus perisset: ceterum nec latio defuerat ante via conficiendi auri, extat enim Plinij testimonium trigesimo tertio naturalis historię libro, qui docuit unam esse faciendi auri rationem, ex auripigmento, quod in Syria fodebatur pictoribus in summa tellure auri colore. Iussit inquit Caius excoqui magnum pondus, & planè fecit aurum excellens, sed ita parui ponderis, ut detrimentum sentiret, notam rem Plinius prodit ex solo auripigmento, factumque dicit aurum per artem, cuius rei fortasse potuit esse testis oculatus: Vixerat enim superiorum Cæsarum ætate, & non solum usque ad Caij peruenit imperium. Nec ad Claudium tantummodo, qui post Caium regnavit, sed ad Vespasianum. Militavit enim cum Germanico Cæsare, res ab eo gestas memoriæ mandavit, Claudium quoque filium eius, qui Caio ex Germanico fratre nepoti suffe-

ctus

Etus est in principatu, *Messalinamque* ei assidentem di-  
 cit se uidisse, dum publica ederet spectacula, sub *Ne-*  
*rone* quoque scripsisse illum *Plinius Junior* affirmauit  
 naturalemque historiam *Vespesiano* inscripsisse, titulus  
 eius indicauit. At sensit *Caius* detrimentum, fortasse  
 in causa fuit minor copia quam oportuisset, & maior  
 impensa nauigandi conuehendique *Romam* auripig-  
 mentum sensisset is forsam emolumentum, si tanta ei  
 moles astitisset, quantam in *Carmania* reperiri scripsit  
*Onesicritus*, sensisset si *ægyptiorum* sita percaluisset, quæ  
*Dioclitiano* cuius supra meminimus fuere formidini  
 scriptum est in *græcorum* monumentis. *Dioclitianum*,  
*Cæsarem* cum *ægyptios* inhumanè crudeliterque afflixisset,  
 veritus ne arte faciendi auri, qua pollebant repara-  
 tis diuitijs ausus summerent rebellandi, iussisse libros om-  
 nes chemice facultatis conquiri atque comburi. Potest id  
 videri apud *Suidam* in decima elementi collectanea,  
 post *Dioclitianum* tanta fuit non ex auripigmento, sed  
 ex arena aurea faciendi auri vis, ut publice id fieret ab  
 ijs qui artem tenebant. Dummodo scrupulos quodam  
 aureos *Cæsari* penderent, qua de causa duæ illæ priores  
 in *Codice Justiniani* titulo de metallarijs posite sunt le-  
 ges. Hæc arena *Chrysamos* græcis nuncupata dicta est,  
 & *Hispanis* & *Latinis* balux, id apud leges ciuiles &  
 apud *Plinium* satis apparet, ut ne loquar de ridicu-  
 lis, vocum harum balaca & *Chrysamos* glosematibus  
 Accursij.

*Accursij. Quidam nostri temporis vir aliqui diligens & eruditus non Chrysamo sed Chrysomon legendum putat, idque vas interpretatur quo funditur aurum, sed Chrysale illi nomen est. Vasi etiam apud Plautum, & tribus nunc inuersis litteris vulgo profertur, Chrysamon vero omni procul dubio legi debet, hoc est auream arenam, quæ quidem non fodiebatur, sed colligebatur ex maris littore, & ex ea mixtionibus quibusdam parabatur aurum. De hac duæ illæ priores leges decernunt, reliquæ de fodinis intelligendæ, quod ex verborum serie, & ex diuersitate vectigalis, siue ut Lex ait, Canonis deprehendi facile potest. Nam chemicis scrupulos paucos, fossores vero decimam partem Cæsaris ærario debebant id genus faciendi auri per chemicam. Primum ex septem prodidit Psellus docens arenam esse quandam maritimam littoralemque, quæ aurea diceretur à colore, & à quibusdam arena aurea vocaretur, cuius hæc verba ἀμμος ἡ ἰσότης παραλία χρυστεῖς καλουμένη ἐπὶ τοῦ χρώματος, αἱ δὲ τοῦ τοῦ αὐτοῦ χρύσαμον ἐνομάζουσιν. Galenus quoque dum de potestate differeret simplicium medicamentorum de terra sermonem exorsus (Chrysistidos, & agyritodos mentionem facit, mox de arena aurea loquitur, & quomodo aspectu lucrum coniectarentur ex quantitate meminit, ut hinc etiam quoddam re ipsa inter baluccem, & Chrysamon deprehendas dif-*

G crimen,

crimen, quoniam minima Plinioamenta sunt eius auri, quæ baluce dicebatur. Crysamos vero & si minutissimis constet granulis, ea tanen aurea non sunt, sed aureo colore, & aurum inde multa coctura, varijsque mixtionibus parabatur. Alioqui non ita paucis constitisset metallarijs Cæsaris adnumerari, ex hac ipse aurum extrahere docuit Psellus, & quinque vel sex alias confectiões literis prodit. Multa tamen obtestatione professus, id se facere quasi coactus honesta quadam vi, unde illa eius verba, ὁ ἐμὸς δυνάστης καὶ τὸ ἐμὸν φρονέει τυραννίς. Ad hæc Alberti testimoniū extat experimentis, quæ legerat nixum fieri per artem aurum posse, ut potè qui vulgato illi atque legitimo profato (sic enim parerat) assensus fuit, unicuiquem in arte sua perito credendum esse. Quid? quod non aliorum tantummodo sed propria etiam duxit in medium experimenta. Nam de viuo differens argento, ubi substantiam id esse dixisset materialem omnium metallorum, in quo uirtute sulphuris digerentis, & inurentis conciperetur, & argenti & auri partus instar humoris menstrui mulierum, subdidit id cum ad speciem incipit accedere, glandulis hærescere primum, deinde paulatim constare atque conuerti. Vidit hoc Albertus non in terræ speluncis abditisque naturæ secessibus, neque enim eo se se unquam penetrasse cum fossorum caterua refert, sed uel domi  
vel

vel sub diuo, alioqui nec ocium illi fuisset impenden-  
 tibus montium ruinis id conspicari. Neque enim tam  
 excors tam oblitus fui, ut in immo barathro merfus  
 tam diu morari uoluisset, nulla luce fretus, parua  
 spe reditus, ut esset testis Hydrargirij, sulphurisque  
 nuptiarum, quæ fortè centesimo quoque anno celebran-  
 tur, ut pernosceret quo modo tetrīs in cubilibus fie-  
 rent: extat enim Arnaldi philosophi & medici nobi-  
 lis testimonium, atque experimentum litteris prodi-  
 tum, apud legalia monumenta, & additamenta,  
 Gulielmi, qui sibi speculatoris obtinuit cognomentum,  
 scribit enim Arnaldum ipsum qui miris ibi laudibus  
 extollitur, uirgulas auri quas confecisset Romæ omni  
 probationi summis, idque in titulo refertur de cri-  
 mine fausti, nec est uerisimile omissam aquam, qua  
 excernitur aurum ab argento certissimum probandi au-  
 ri, & numeris omnibus efficax argumentum, si ta-  
 men eius usus ea tempestate fuit: sed certè ignis non  
 defuit probatio, in quo si exuratur septies, fictici-  
 um aurum euanescit, ut proditum est ab Alberto, qui  
 tamen fuit Arnaldo satis antiquior: sed uti balea-  
 ricum Raimondum silicam multis operibus nobilem,  
 priusquam ad nostræ tempestatis viros deueniam,  
 referam testimonium Coloniensis Alberti ex ordine  
 minorum de se ipso. Is enim cum scripisset uolu-  
 mem de quinta essentia specierum sublunarium, &

G ij quot



quot modis à singulis fermè rebus extrahi posset , ad  
 nexuit se potuisse , modo voluisset ostendere quibus  
 tandem ex doctrina ijs peruenire daretur lectori , ut  
 in ictu oculi metalla imperfecta mutarentur in ar-  
 gentum ; & aurum , eiusque rei sententiam reue-  
 latam sibi asserit modo intellectili, cum retineretur in  
 carcere vetari , aut se ne penderet eam ex sui oris de-  
 cretis contestatus , ut ille ait communibus euangelicis vi-  
 ris quo nomine ordinis veras Sancti Francisci subuen-  
 tos institutis appellauit , ne maligno demone instigan-  
 te prolabantur in alchemicas operationes , quoniam  
 philosophorum nemo suis in libris veritatem aperuit ,  
 sed obtexuerit in parabulis incompræhensibilibus pro-  
 inde non dari , ut ad sublimia illa chemica fa-  
 cultatis arcana perueniat quispiam , nisi  
 per altissimam contemplationem  
 vitamque sanctissimam , qua  
 mens eius Deo con-  
 iuncta fuerit ,  
 quod pau-  
 cissi-  
 mis  
 asseruerat esse  
 conces-  
 sum.

DE EXPERIMENTIS NOSTRE TEMPESTATIS  
in auro conficiendo ubi multa de præce lentia  
chemicæ facultatis. Cap. ij.

**C**ERTISSIMVM est non  
auribus modo, sed oculis, & multo-  
rum, viuentium, & meis etiam cõ  
probatum, etate mea factũ esse per  
artem metallicæ conuersionis, & ar-  
gētum & aurum sæpiissime, nec una  
tantum compositione, sed plurimis: nec moueor ad id com-  
probandum voluminibus paulo ante lectis a me, & di-  
catis Leoni Põtifici Maximo, quæ veram artem indica-  
re videntur: tantumque est ut abnuant experimenta ut  
auctorum alter qui scripsit carmine librũ sic exorsus sit.

*Auriferam paruis animi pro uiribus artem.*

*Quæ sitam nobis & longo tempore partam*

*Atque ita etiam aliam Chrysopeiam clauseras de se*  
*Canens, sic Alter Iason,*

*Aurea felici deuexi uellera colcho.*

Nam poetis facile verissimile scribitur pro vero tan-  
toque magis, quod ille poetarum more scribere se satis  
prodidit in calce prioris illius voluminis, cum de portis  
cornea, & eburnea fecit mentionem: historicorum etiam  
multi non sunt hac in causa inter oculatos testes ha-

G iij bendi,

bendi, qualis ille mihi videtur, qui scriptum reliquit in suo quodam magnæ molis volumine tres vel quatuor compositiones sistendi mobilis argenti & auri conficiendi, isthæc enim missa faciamus. Referam uero primum quæ mihi sunt auribus, deinde quæ oculis compertissima, obiit ante paucos annos Nicolaus Mirandulanus sacerdos ex minorum ordine senex nobis notus atque integer vitæ, scelerisque purus, ac præterea multis abstinentiæ multæ solitudinis, & qui uiuus mortuusq; apud suos sodales magnæ sanctitatis est habitus, & diuinarum particeps reuelationum, quarum nonnullas ad me in Germaniam per te coniunx missas recordari facile potes, & prædictum & bellum, quod sub Julio Pontifice Venetis illatum est. Is & Bononiæ argentum & Carpi aurum ex arte fecit multorum testimonio, fecit & Hierosolymis ubi multos annos religionis gratia moram traxit præses sui ordinis viris, ibique se se aurum fecisse, mihi que id ore suo retulisse, uiuit adhuc, qui contestetur, narrauit etiam mihi nuper Antonius chirurgus Mirandulanus eius ex fratre nepos, patruum sibi libere ingenueque confessum auri faciendi artem percallere, librumque manu ipsius scriptum diuersis de rebus ostendit, in quibus & ratione, & socij testimonio, & duobus etiam experimentis comperij auri faciendi artem, ibi quidem sibi notatam. Alijs uero multarum interpositione rerum sub obliquis etiam sermonibus

nibus planè dissimulatam. Præterea fuit inter mortales ætate nostra Apollinaris ex ordine prædicatorum sacerdos boni nominis, qui non dubitavit amicis affirmare se se modos plus viginti constanter tenere, quibus verum aurum conficeret. Nec aliud ipsi peractis quæ ad religionem pertinebant ubi se se libentius animi causa versarent habuerunt quam in novis inuentis conuersionum metallicarum rati non sine ratione ea communi usui prodesse magis quam singulis diebus in literarijs versari prælijs philosophiis altercando, videbatur enim fortassis philosophis id esse proprium & medicinae, cuius antea professores fuerant, legerant apud Aristotelem unius rei generationem alterius esse corruptionem, id vero non in uniuersum sed particulatim fieri legerant etiam elementa misceri & quæ de ipsis coalescunt elementis permu-  
 ri: Norant Deum & naturam nihil fecisse frustra, compertum habebant hominem naturæ inferioris principem constitutum, cuius ingenio fieri per naturam posset quod nunquam fieret sponte naturæ, si ea esset hominis ingenio destituta, hoc in insitionibus arborum, in pietura, in medicina, in omni ferè vitæ munere, si conspicuum erat, cur esse deberet obscurum in metallis, adeo magna in cunctis societate, ut aliud se penumero delitescat in alio, spectare huc solertium naturam ingeniorum debere norant, ut contenta non sit generatim solum, & in communibus res naturæ cognouisse, sed aspirare suapte

sponte ad notitiam, quæ per partes insinuetur, sensuique subiiciatur, disputationes (yclicas in incerto vagari, & qui eis nimio plus se se dedunt suas imaginationes pro veritate colere solere, at sensui patere, &) hominum publica consensione firmari, ex arte chemices prouenire posse apud humanam societatem magnum &) precel-  
lens emolumentum, quo mortalium multifariam succurratur ægestati: quandoquidem inuenta esse plurima remedia vulnerum & morborum ex olei diuersis generibus confectis arte, ut loquitur vulgus alchymistarum, ad quos Mesues medici sententia remittuntur, quibus salubris olei plurimus expectitur: nec non alexipharmaca plurima quæ de multis rebus inter se se mixtis multaue coctura dependeant ab eis parari tam rudes quam eruditicognouerunt: aurum postremo conficitur, cuius copia quandoque misera pauperum ægestas leuata est: sed ut ad experimenta unde videor digressus, redeam, scriptum erat. Romæ publico in templo, nescio an clade recenti dimotum fuerit epitaphiū auri ex plumbo collectori, fuit ante paucos annos Venetijs, qui publico multorum nobilissimorum virorum testimonio, ex re paruula, quæ nec piperis grani quantitatem excederet, magnum satis auri pondus ex viuo argento confecerit: fuit in ditione mea qui tribus testimonijs ex re triticeum granum æquante viui argenti vntiam, verterit in probatissimum argentum, atque

atque unum ex his qui viderunt cum alloquerer, ab eo audiui se quidem diligenter conuersionem inspexisse rei, colorisque cinerei fuisse medicinam, qua confecta est transmutatio. Venio ad ea, quae nostris oculis citra uelamen patuere, uiuit ad hanc diem vir mihi notus & amicus, qui plus sexagies suis manibus ex rebus metallicis aurum & argentum confecit me presente, nec una tantum via, sed multis id est assequutus: vidi etiam in confectioe aquae metallicæ, in qua nec argentum, nec aurum, nec item sulphur, aut hydrargiron auri principia ponerentur ex insperato argentum, simul & aurum generatum fuisse, sed non ea quantitate ut frequenter posset, minus enim lucrum quam impensa: vidi quoque, ut inter operis initia prodidi, sexenumero ꝑꝑ argentum & aurum propigni, seorsumque illorum effusa grana & in argento non parū auri delituisse: vidi aquarum vi ex ere argentum minimum tamen extrahi. Atque una hæc est, ut ante diximus, auri, argentique faciendi ratio, sed non multum extrimanda, cum ex imperfectioribus metallis id, quod inest perfectiorum eruit, cum vero non ex metallis, sed metallicis rebus fit aurum, maior aliquanto paratur utilitas: sed rem hanc ut veram ita variam sexenumero contingit experiri, est alius ut existimo inter viuos adhuc, neque enim constant illum inter eos versari desisse, cui quoties liuerit suis ex furnulis promittitur aurum, parua impensa, paucif-

paucisque diebus, quod pro auro purissimo vendit publicis in officinis, artis & naturę beneficio magis inuitatus quam egestate, quippe cui satis ample sint opes, amplissime vero artis industria. Viuit ad hunc temporis articulum nisi paruo antea diem obierit interuallo vir cui non desunt opes ad tolerandam personę seminobilis conditionem cuius manibus æs uidi conuersum in argentum, & aurum quodam succo, siue herba, siue fructicis, & igne præpotenti vim suam in id metallum adigente. Non desinam referre, quod mihi narrauit inops quidam se se per quietem assequutum, atque opere mox idem comprobauit is dum anxius esset animi, nec satis intelligeret quo se uerteret pro tolleranda fame præmebatur enim annonę caritate maxima, præmebatur ære alieno, præmebatur ingenti numero filiorum, se se tradidit sopori, conspexitque celitem quendam catalogo sanctorum adscriptum, qui faciendi auri artem per enigmata docuit, deinde aquam subindicauit, qua uteretur ad aurum conficiendum, ea ille usus aurum fecit, primum ex se se, non tamen magni ponderis, sed talistum ut inde parauerit uictum familię, ex ferro quoque bis aurum fecit, ex auripigmento ter, uel quater, & asserimento mihi fecit manifestum, auriferam artem non uanam esse, sed veram, ea de causa enigmata ipse paulo post animi gratia, exa metris uersibus exarauit, quorum nonnulla citauit supra, proemium  
que

que & epilogum adposui, ubi de eo, qui sit vere diues  
 ipsis carminibus etiam disserui. Vidi alium qui duobus  
 modis in verum argentum, cui mixtum erat aurum ver-  
 teret, viuum argentum vidi ex cinabari quibusdam  
 adiectis rebus excluso & argento, & auro simul au-  
 rum fieri, simul argentum, vidi ex mera cinaba-  
 ri olei cuiusdam simplicis admixtione aurum & argen-  
 tum sed parui momenti, vidi sepe hydrargiron, & qui  
 erat ex plumbo & ære detractus, & in argentum, & in  
 aurum transformari, Demum superioribus diebus & ocu-  
 lis hausi, & contrectavi manibus aurum quod me inspe-  
 ctante factum fuit ex argento trium circiter horarum  
 spacio nulla prius argenti facta uel in viuum argentum,  
 uel in aquam conuersione, hoc est in primam metallo-  
 rum materiam, ut hinc ipsa reuincantur esperientia,  
 qui cum artem transmutandi metalli defendant,  
 eos tamen calumnientur, qui contendunt  
 id posse fieri, nisi prius ad mate-  
 riam metallis communem  
 redigatur id metalli,  
 quod transmu-  
 tatur.





## COMMONITIO EORVM QVI IMPRVDENTER

ut ut peccant periculos faciendi auri quibus præ alijs  
naturæ scrutata oribus philolophi  
competat appellatio .

Cap. iij.



AT isthæc exempla ratione & au-  
thoritate multiplici communita,  
putavi fore uti me ipsum ut alios  
exercerem tibi que satis in parte  
facerem, & quæ scio esse certissima  
ad multorum caliginem ammouen-  
dam patefacere: neque enim me continere potui, ut  
quepiam non scriberem & tui causa & admonitionis  
illorum, qui ferunt imprudenter sententiam eorum quæ  
non cognorunt. proinde precium opere mihi videbor fe-  
cisse, si commoniti sic fuerint a me uti discant non con-  
tendere: deinceps & asserere, quæ ignorant ipsi, sciri ab  
alijs non posse, & quod est deterius, detestabiliusque  
vel criminis reos agere, vel tanquam suspectos amen-  
tiæ prorsus exhibere viros, qui artem auri faciendi vel  
rite tentant, uel exerceant perite, & quod est non minus  
cōmiseratione quam risu dignum adscribere maligno de-  
moni, quod Deo omnis veritatis auctori quod bonis spiri-  
tibus, quod naturæ, quod arti, quod industriæ sic adscri-  
bendum; Quid enim est, quod vertatur in dubium, si  
potestas

potestas & astus demonis ducatur in medium, an experimentis chemice facultatis quispiam non imperitus sublimiorum, etiam non inscius litterarum eiusmodi vituperatores ita compescet, ut et partus earum matris, quo ipsimet nati sunt, sub ambiguo reponatur. Cum demon prauus potuerit in formam versus, non Amphitritonis, sed mariti, aut cuiusvis alterius cōpressisse matrem uirum arbitraram esse, qui liberis daret operam. Nota est historia de conceptu & Macedonis Alexandri, & Seleuci regis, & longo post tempore Merlini, multifariaque apud nostros theologos, & antiquiores, & neotericos, prodita literis succuborum & incuborum demonum, ipsam in rebus improbitas, atque fallacia, an et sanitas de arte medicina ducta calumniā patietur, cum se se immiscere queat demon, & affere uel morbis uel uulneribus inuisibilia remedia, et alia facere permulta, quorum et alij meminere, et nos etiam eis in dialogis, quibus titulus est senex siue de ludificatione demonū, ut committam Hyppocratis principis medicorum decreta, quorum Apollo falsū gentium Deus auctor est habitus à uetustate multifariam oraculis elusa Dæmonicis, quæ decreta sumpsisse Hipocratem de templo Æsculapij concremato, supra iā diximus memoriæ proditum esse, eorum tamē decretorum apud nostros est usus quatenus habentur ueræ. Quoniam omnis ueri Deus maximus optimus primarius auctor

*auētor est, proinde vituperatores discant reprehendi ab Aristotele qui paucis inspectis ferunt sententiam: Discant apud iure consultos improbari ut inciuiles qui iudicant tota lege non perspecta: Discant vehementer damnari ab Anngo, & irrideri Claudium Cæsarem qui lites dirrimeret una parte tantum audita, & sepe neutra: subinde condiscant fieri quidem aurum posse per experientiam sine subtiliorum cognitione litterarum: sed esse non posse consumatum numeris omnibus artis chemicæ professorem, qui naturalem philosophiam probe non percaluerit, & ad sensus experimenta deduxerit ea, quorum vaga consideratione torquentur plurimi, ea inquam tractata sepe firmata, nunquam beneficio tamen experimentorum sepe numero comperta. Cur philosophi nomen adscribam ei, qui philosophicæ auscultationis quosdam libros viderit, sed herbarum, fructicum, metallorum, lapidum, illorumque potestatis & commissionis, & conuersionis fuerit prorsus ignarus. Iustius ei competet appellatio philosophi, qui res primum naturæ generatim nouerit, deinde per partes sublunarium, subterrenorumque germinum vires percaluerit? ut hinc rerum inferiorum concordiam, & littem, subindeque generationem, interitumque mente percipiat: conscendatque in admirationem diuinæ maiestatis, quæ homini non solum donarit, ut res abditas, & in uisceribus terræ conclusas agnoscat, sed eas etiam*

domi

domi constituere queat eius ipsius munere & adiuumento nature: proindeque multis nominibus iuuare mortales, & in corporis bonis & in externis facile possit. Num qui hoc tenuerit tanto garrulis antestabit disputatoribus, quantum corpus umbre corporis? quantum veritas mutabundis, & dessultorijs operationibus: nam si verbis antecellerat facta, si prestat facere grandia quàm loqui, competet verius eiusmodi viro philosophi nomen, atque, prestantius an pretulerit equus rerum estimator eum, qui rem demonstrat, ponitque sub oculos illi, qui tantummodo suis imaginationibus fretus vel per communes dialectice facultatis locos, uel per metaphisicas conceptiones sibi quicquã sapere uideatur, nunquam certus, semper anceps, semper in argumentis translatitijs occupatus, huic certe sophiste nomen, illi sapientis antiquitas tribuisset, non reclamantibus Peripateticis, quorum dogmata recidunt ad sensum, ex quo suas promere satagunt probationes. quo sensu chemice facultatis periti spernentes eundem promunt in repugnantem aduersarium, sibi que parant ex illo victoriam: proinde neque temere neque sine ratione propensioneque reperias dictum a grecis eiusmodi viros sapientes esse eorumque decreta nuncupata.

Apud Arabes vero ipsorum instrumēta etiam lutum, quo solent uti chemice professores, donata sunt

sunt titulo sapientiæ, tam rudes vero quàm periti no-  
uerunt artifices, ab ipsis quos nominauimus edocti om-  
nibus eis qui organicas siue instrumentarias exercent  
artes, ante stare cum notum sit, ( quis est enim is qui  
nesciat? ) inter homines, quibus cum uiuimus mul-  
tis iam seculis conuenisse ut aurum metiretur exter-  
na omnia, quæ peripatetici bona, stoici commoda  
nuncupauerunt, & quod est mirandum magis pro-  
prium corpus non parua pars mortalium discrimini  
mortis exponit auri consequendi causa, ut impios il-  
los sui que prorsus oblitos præteream, qui animam  
etiam postponunt auro, quo certe & abutuntur impro-  
bi, & probi, ac bene morati utuntur recte, quibus si  
cælitus demissum est, hoc rarissimum munus,  
ut maximas eos gratias Deo & habere,

& quoad fieri potest referre, conue-  
nit, sic nulli omnino morta-  
lium quantumcum-  
que diuiti,

quan-  
tumlibet præpotenti de-  
bent inuidif-  
e.



S I V E R E

## SI VERE COMPETIT AB EXTERNIS CUI

piam diuitis appellatio eam peritis auri facien-  
di per artem chemicam iure competere

Cap. IIII.



**C**ERTE fuit apud antiquos, quis  
esset diues, & quomodo nuncupan-  
dus, non parua questio philosophis,  
oratoribus, poetis non intacta, cum  
ille de Crasso, an tu solus diues? Vnde  
de alius, qui sola diuitiū philosophia  
meritis est, sed & diuitem agri, & positis in fenore nū-  
mis diuitem. Pictæ quoque vestis, & auri diuitem, qui  
opinarentur non defuere; Qui uero dicere: illam proprie  
diuitem, qui religione in primis imbuus Christi, deinde  
sincera sanitate polleret mentis & corporis, demū argenti,  
atq; auri faciēdi potestate præditus esset, neutiquā uide-  
tur improbandus? nā qui bonis animi præcipuis caret om-  
nino est pauperrimus, tantum abest uti sit diues, nec id  
ipsum nominis ei merito communis fiet, qui miseria cor-  
poris laborat, identidem semper egens optatæ sanitatis  
& qui securas belli non erit, pendebit semper à nutu  
principum, & qui peregrinæ vacat mercaturæ, aut la-  
trones semper harrebiz, aut iratum mare, & qui iuris  
opibus incumbit sæpenumero metuet noxiam fratribus  
intemperiem, qui vero lucris inhonestis vacant & se-

H

nerat

neratitjs mentis incumbunt, preterquam quod male audiunt bene institutis hominibus, proprio etiam scelerata conscientia morsu torquentur, si quo pacto inter diuia iure poterunt numerari, quando etiam paratæ ab attavis usque diuitiæ possunt eripi facillime, regna & principatus sæpe mutari nescit nemo, qui novit etiam mendicatum victa carthagine panem, at eam artem, quæ in animo sani hominis est, quis abstulerit, quoad vixerit? quis prohibebit ubi ubi terrarum fuerit, modo ignis adfuerit, & certi non defuerint aut liquores aut pulveres, quo minus aurum sibi non conficiat, certè quod multis hominum millibus, Germani, Pannonijque principes multis mensibus eruant è montium speluncis profundissimis, quod quæ etiam vix triennio magno classe sibi parant hispaniarum reges cum è Bethycis (&) Lusitanis portubus oram soluentes atlanticos & indicos fluctus metiuntur, ut ignotas inuisant regiones auri feraces, id artis aureæ compos, & minori impendio parat, & maiori cum lucro, paucisque diebus vel domi vel in hospitio confidens paruo, etiam sæpius ministrorum famulatio, quam remoliri in eis, quæ ante citauimus aureis argenteisque enigmatibus carmine placuit significari.

*Diues agri diues pictai vestis & aule*

*Præcella & regni nunquam est me iudice diues,*

*Nunquam etiam diues puppi si fretus hybera*

*Per*

Per mare atlantiacum Boreæ contemptor & austri  
 Usque coloratis gazas conuectet ab Indis,  
 Ille autem diues celso cui mittit Olympo,  
 Æternus genitor votis optare secundis,  
 Quicquid mortales possunt, cum lumine recte est,  
 Imbutus fidei, sanamque in corpore sano.  
 Mentem habet, externis etiam quæ commoda visa  
 Non bona Chrysippo rebus vallatur opimis,  
 Sed quando humani generis pars maxima se se,  
 Heu misera argento semper metitur & auro,  
 Ditior ille quidem, nunc passim creditur area,  
 Qui plena fruitur, & abundat utroque metallo,  
 Acceptosque domi nummos aliena remittit,  
 In regna ut numero, numerum referata tabella  
 Multiplices, lucrisque nouis, noua senora iungat,  
 Quæ princeps, populusq; rapax prædentur et unda  
 Mergantur pelagi, et bellis rapiantur iniquis,  
 Hic mihi semper erit diues, magis ille caminis  
 Qui trahit è proprijs argenti pondus & auri  
 Annua centene superet quod senora mensæ  
 Absque dolo prauo, sine ui, sine fraude maligna  
 Impensa fretus pauca, paucisque diebus  
 Quod lucrum nequeunt reges populi que nec hostes  
 Frati auferre, aut vasti inclementia pauci  
 Purgamenta soli, nam flauum vertit in aurum  
 Quomocunque libet, soli sibi conscius ipsi



Ut satis appatere a, quod attinet ad externa,  
 Illud facile omnia tenere, qui tenuerit artem auri fa-  
 ciendi, ut in cassum pandoram illam suam iactauerit  
 antiquitas fabulosa, & ostentauerit frustra uam  
 illud *κέραια καὶ ἀργύρεα*.

QVOD AURVM MODO FCTITIVM NON  
 sit, quod nec licere vendi probabilius videtur, sed  
 factitium & syncerum deterioris non sit inter  
 medendum conditionisque natium  
 & fossile, sed saepe melioris.

Cap. V.



FFERRET etiam is mul-  
 tum mortalibus intermedendum  
 opis modo ferat aurum aut agrotis  
 aut sanis emolumentum, si quidem  
 omnibus qui prestantiores litteras  
 nouere notum est aurum arte conse-  
 ctum, si verum sit, eius esse prorsus essentiae siue spe-  
 ciei, quantum spes communi usu dignoscitur cum eo au-  
 ro, quod aut elicitur ex terræ cauernis, aut de fluminum  
 colligitur harenis, & easdem illud habere ad commu-  
 nem usum proprietates, quibus pollet aurum de fodinis  
 erutum: metallicis eorum enim explosa sententia est, qui  
 conciliare diuersas opiniones eo moliebantur, quod concede-  
 bant alteri arte fieri posse, negabant alterum. Neq; enim  
 unquā sine suis qualitatibus siue proprietatibus seu maius  
 doriibus

dotibus inuenitur natura corporea, nec in cognitionem alicuius essentiae, si naturam sequimur peruenire unquā possumus eis abolitis dotibus. Proinde censuit Aristoteles easdem ipsas condiciones, quae quamquam multae & variae uno vocabulo *τὸ μεταξὺ* hoc est accidentia nuncupauit, ad cognoscendum id quod est, videlicet rei naturam, nos iuuare: si verò aurum arte confectum eandem teneat essentiam, tenebit quod est consequens easdem qualitates cum eo, quod natura peperit auro, atque ita eiusdem prorsus erit precij, & tanti aestimari uendi que licebit, omnia diximus accidentia quae quidem ab auri tractandi peritis queant internosci, non eorum quaedam, aut etiam plurima, quoniam si vel unum deesset ad integritatem, id falsitatis nomine suspectum haberi posset: *¶* quanquam ij, qui de moribus disputant, volunt fictitium aurū vel argentum pro fictitio quod sophisticum dici solet, vendi licere, ut scilicet tanti veneat, quanti iure faciendum est, si rite aestimetur: nihilominus, quoniam aliud praefert primori aspectu, aliud gestat clausum in penetrabilibus, res est plena periculi: propterea nunquam in eorum ego sententiam pedibus manibusque concesserim; quādoquidē possūt minus prudētes, quorum magna pars versatur inter mortales, aperte deludi. Accedit hoc quod subterni uidetur fraudolentis hominibus semita quae ipsa false furtiueque monetae per confectionem auri, argenti quae fictitiij, quod sophisticū nuncupatur. Nā quicquid di

*uersa sunt munia faciēdi cudēdique metalli, diuersęque artes & habeantur & sint quę alterutrum parant: quoniam altera præcedit, subsequitur altera: nihilominus impostores faciliorem videntur doli, mali, viam nacti, qui metallum iam habent falsum, quam qui legitimum conantur pervertere mixtione deterioris: nunquam vero malis hominibus augenda est faciendi maleficię commoditas, hac de causa fortassis magnus Albertus dum artem qua mutantur metalla tanquam ueram reliquisset, eam ut falsam sustulit, qua colores tantummodo vel auri vel argenti mentiuntur artifices pluri-  
 mi, qui ubi fuluum auri pallorem & alborem argenteum putant se minoribus indidisse metallis, exultant veluti compotes artis facti, & emptores planè ludificantur: constare quoque potest uiris prudentibus, si verum est aurum, quanquam factitium, non natium, dummodo fictitium, falsum, sophisticumue non sit, exhiberi posse, mixturę cibis alexipharmacis, aquarum decoctis, non secus, ac id quod erutum dicitur è latebrosis terrę cubilibus, multoque etiam utilius, quam quod nota principum, aut R. P. signatur hoc ipsum: quoniam multos latet, id negotij latius explicare tentabo: noui enim qui tamen si aurum conficere norant, docere tamen eius conficiendi artem amicos & affines recusabant, ne abuterentur ea scilicet veriti, hoc est ne factitium aurum aut vini argenti, aut alicuius rei, quę noxia putetur  
 si ea*

*si ea vescamur, naturam saperet. Audierat enim fortassis illud, miscuit argenti letalia pondera viui, cogeret ut celerem vis geminata necem, & facile quorundam legerat libros, affirmantium proprietates natiui auri, præcipueque letitiam afferrentis & repugnantis lepræ, non reperiri in auro factitio, quibus tam ritè repugnauit Timon inter disputandum de rebus metheorologicis, quam perperam admisit astrologicas imagines ad auri confectiorem accersendas: liberauerim ego eas qui hac suspitione laborant ab omni metu: nam si verum est, aurum quod fit per artem veram auri tenet essentiã, & quod est sequens accidentia omnia, quæ secundum naturam fluunt ab ea, ut ante monstrauius: ergo & Letitiam afferret, modo eæ sint partes auri, & aduersabitur lepræ, si ad aurum id pertinet; At dixeris fortasse, in aurum quod ars molitur & vinum argentum & alias quoque res uenenatas ingredi. Affirmauerim & ego ex rebus eisdem immis in terræ sedibus aurum procreari. Deinde subdiderim posse per artem fieri aurum multifariam, non uno tantum modo. Adiecero & illud si quæ forte adhibentur ad artem complendam uenenata fomenta, non ad essentiã rei quæ fit ea pertingere, sed haberi inter instrumenta transmutationis huc, & illud etiam attulero vinum argentum, cum vel in argentum solidum, vel in aurum est redactum, ut vinum argentum esse desijt, ita letalem ammisisse*

proprietatem, siue ea fluxerit de occulta qualitate,  
 siue, ut placuit Alberto de manifesto acumine, quod  
 ex frigore & humore coaluerit. Nam & si gradum fri-  
 goris, humorisque secundum superare noluit, neruis ta-  
 men ob id nocere decreuit, quāquam sunt qui malunt nō  
 frigida viuum argentum, sed calida esse natura, idque  
 de ipsius assensu facile nonnullisque alijs qualitibus  
 tueri contendunt: neque autem ommissim permultas  
 conuersiones, ea omnia quæ venenata dicuntur purgari  
 beneficio ignis, & aliam formam, aliamque naturam  
 induere, quod sanè contingit etiam in subterraneis  
 specubus, ubi sulphur, æs, viuum argentum conueniunt  
 ad promendam substantiam auri; Quod quanquam  
 apud eos qui contra sentiunt saluberrimum habetur,  
 tamen ea quibus conficiebatur antequam mutaretur  
 & diuersam naturam esset nactum, etiam apud eosdem  
 inter noxia computabantur, si dixeris habere in se rerum  
 naturam parata quæpiam alexipharmaca quibus careat  
 ars. Dicam ego, quisnam est, qui consuluerit ipsam natu-  
 ram, cum pareret aurum? quis percontari poterit ob-  
 stetrices natura, ut ad præscriptum noscere queat, quæ  
 nam auersantur, quenam repellantur, quenam sint  
 ab omni suspitione libera, quenam sint quæ priusquam  
 conueniant in id operis, ammittant virus, quenam  
 sint quæ inter id parandum, aut postquam illud effe-  
 cerint, exuantur eo, confirmari possent hæc exemplis  
 anima-

*animalium, quæ ijs vescuntur salubriter, quorum esu necarentur, alia in causa est coquendi & transmutandi uaria uis, à diuersa manans animantis natura. Atque iterum exemplis uenenatarum rerū uti possemus quæ mitionibus concoctionibusque quibusdam euadunt salubrica, ut in theriacis antidotisque plurimis plane compertum est: contra quoque fit, ut ex salubribus fiant perniciofa, nulla adiecta forinsecus noxia qualitate, sit in exemplo gallinaceum ouum, quod crude si fuit plerisque omnibus excitat nauseam, si leniter coctum ut sorbitioni sit aptum, mirum perquam est salubre, si penitus induruerit igne nimio inter edulia noxia præcipue numeratur. Dissultat enim non tantum ex uaria rerum mixtione uaria natura, uariæq; proprietates efluant, sed ex coctura uel nimia uel minima. Ad hæc cum factitium aurum non distinguatur à naturali per humanā cognitionem, alioqui nec esse, nec dici posset eiusdē speciei si diuersis accidētibus, quæ ducunt ad rei substantiā cognoscendā secerneretur, cū inquā nō distinguatur, iā nullum est periculū, iam nulla causa periculi, Quoniā aurum, quod coquendū in cacabo ponis quod radis, quod percutis, quod in subtilissima ramenta diffecas, quod in aqua mergis feruentissima buliēdum, nescis tu prorsus ē uisceribus terræ sit errutum, an hominis arte confectum. Adde cū antiquitus effectū aurum aliquando sit, alioqui nō stetit ars apud plerosque, sed ab omnibus locis gētū*

omnium consensione fuisset explosa & exhibitata, ne dum  
 unus homo reperiretur, qui iactaret se artis eiusdem,  
 octingenta iusta volumina, & præterea septem supra  
 trigintamillia præcepta legisse, cum antiquitus inquam  
 sit effectum, quod & experimentis iam probauimus.  
 Quid habes tu aut causæ aut argumenti uti factitium a  
 nativo dispeſcas. Num signum aut iniusta nota, quoniã  
 ita vetustas ut ætas nostra signabat aurum nota viro-  
 rum principum, & ad officinas publicas conuehebat sec-  
 cernendum, Non color, Index enim lapis tanquam hono-  
 rarius arbiter inter pares colores pro neutro dat litem.  
 Non pondus, quando quidem bilanx non diuergit ab exa-  
 mine. Non teneritas, mollitudo, cum utrumque fle-  
 etenti tractantique non reluctatur. Non effectus, nam-  
 que aut comesto aut epoto auro, id iure non potes adscri-  
 bere, quod alius diuersæ ascribet rei, ratione nullo pacto  
 leuiore: cum enim plura simul non seorsum assumuntur  
 ad quidpiam efficiendum, si diuersi premuntur effectus,  
 cui natura rei diuersitatem eam debeas adscribere, certo  
 non moueris, nisi diuersas rerum illarum naturas quæ  
 simul conuenere seorsum percallueris: nūquam enim deer-  
 rit occasio quod alteri adscribitur, adscribendi alteri, tan-  
 toque se se illa præbebit amplior, quanto fuerit aut maior  
 mixtio, aut magis numerosa congeries. Itaque si nescis di-  
 stinguere uerum aurum quod partu naturæ nactus es ab  
 eo quod tibi peperit artis industria, nunquam rite propi-  
 nabis

nabis aurum. Nam aut omne habendum noxiū si quod  
 piam dicatur insalubre, cum non habeatur, uti vidimus  
 legitimum discerniculum, aut omne salubre, si aurum,  
 quatenus aurum natura hominum conuennire dicatur,  
 aut omne dubium, si alterum ab altero non secernis, uel  
 lapide Lydio, uel examine uel aqua diuina cui nomen  
 est inditium a partitione, quoniam aurum ab argento di  
 spescit, atque ita ab alterutro pernitiē nō excludis. Quid?  
 quod si ullum est salubre, id tamen quod nota principum  
 & rerum publicarum in usu est euentium, & venden  
 tium, putandum est insalubre. Miscetur enim res ut la  
 pis heraclius de eo fecerat coloratius inditium. Miscen  
 tur & alia non nulla, factitium quoque sal acerrimum,  
 quod ammoniacon hoc est karenarium falso nomine cita  
 tur, Nitrum etiam quandoque & id uiui argenti no  
 xium, cui nomen factum est ex eo quod in sublime  
 tollatur, quorum omnium concoctione contrahitur vi  
 rus: eris enim rubigo recrementumue, quā stomacho  
 noceat, quis ignorat? ut præteream alia quæ diximus  
 pernitiōsa, quorum usus est in asuscendo aureis num  
 mis fulgore apud argentarios & fabros auri: colorant  
 enim aurum suapte natura pallidius uti magis emicet,  
 atque corruscet; & de salubritate satis multa, nunc  
 artis modum subsignemus & vulgi falsam opinionem  
 refellamus.



COMMONITIO MULTIPLEX EORVM;  
 qui auro per chemiam faciendo nauant operam,  
 simulque uulgaræ illius quæstionis cur plurimi  
 sint inopes, qui auriferæ a ti uacant  
 dissolutio. Cap. VI. & ult.



**E**OS autem qui per artem quærent  
 aurum monitos uelim, ne su-  
 pra facultates sese dedant experi-  
 mentis, ne ue ob id certiora dimit-  
 tant studia, neu magnas sibi pol-  
 liceantur diuitias, neu principa-  
 tus affectent & regna uana spe lusi. Vt enim Deus non  
 promittit omnes homines tenuioris (ut uulgo dicitur)  
 fortunæ, qui aut gloriæ student, aut mercaturâ exercent  
 eos, aut regno principatusue potiri, aut ingentibus afflue-  
 re diuitijs, ut etiam noluit eos omnes qui litterarum stu-  
 dijs incumbunt antiquorum uel æquare gloriam, uel su-  
 perare, non secus putandum hac in re, ut magna sic per-  
 dificili & rara, quandoquidem sua dona Deus pro ar-  
 bitrio distribuit suo, non nostro. Nam si uana noxia-  
 que cogitauerint, qui parant aurum & quærent muta-  
 re metalla, si plus nimio sibi promiserint, & in aere  
 (ut dici prouerbio solet) castella edificauerint, facile  
 se se decipiendos, & eludendos agnoscant. Cum a se ip-  
 sis, tum ab improborum & spirituum & hominum  
 fraudo-

*fraudolenta nequitia. Memini edoctū olim quēdam, ab amico cui factum dicebatur supernū oraculum se se quāquereret auri faciendi facultatē non indepturum, si ad superbiam, si ad nocendum abuteretur, concedendam si eius compos euaderet in bonū animæ & corporis. Noui aliū, qui mihi asseruerit semel se ex mobili argēto quod vinum dicitur stabile, verumq; argentum confecisse succis, & folijs herbarum, idq; vendidisse peritis explorandæ metallicæ veritatis, eisdem mox vsum se folijs frustra, & quod semel perfecerat nunquam alias, quanquā id saepe tentauerit perficere potuisse. Alium noui, qui adhuc apud viuos moratur, cui cū argentum & aurum circiter quindeties per artem effectum esset, amisit artem eam, accepitq; oraculo socij per quietem habito id ingratae mentis vitio contigisse, ut hinc etiam veritatem apostolici dicti condiscamus, neque qui plantat, neque qui rigat est aliquid, sed incrementum dat Deus; Retulit quidam mihi se se aurum ex argento fecisse semel magna copia, secundo eisdem se vsum rebus fecisse quidem sed minima semper quantitate, sic ut detrimentum lucro maius esse supputauerit. Venisse in mentem vti detrimentum effugere posset, si non ex argento sed ex ære melioris conditione metalli se se consequi experiretur, idq; se coniecturis firmis nixum tentauisse, cumque in eo fuisset ut rem se se speraret indepturum miris modis euenisse, ut nihil omnino consequeretur. Aliquando euania*  
*materia,*

*materia, aliquando casibus varijs intercurrentibus, eius tamen conditionis, ut aperte cognosceret impedimenta aliunde quam ex humana potestate proficisci. Idem affirmavit ab amico, qui expertus hoc ipsum fuerat accepisse, qui cum ex cinabari fecisset argentum optimum sepe numero sese postea insistentem operi maiore cum diligentia semper euentu rei fuisse frustratum, tu autem rationibus euenta confirmato. Nam in ijs, quæ de terræ cavernis eruuntur, tibi maxime necessaria etiam mōstra, quandoque & abortiuos partus uidebis: prodiit in naturalibus quæstionibus Anneus Seneca, sicut in nostris corporibus sic in illis humores sepe vicia concipere, cum uel ictus, uel loci quassatio, uel senium, aut frigus, aut æstus corrumpere naturam, ut mittam & ignis uel exuberantiam uel defectum, & artificis, uel imperitiam uel indiligentiam, sileatq; maligni demonis multiplicia commenta, sed & si omnia, quæ optas ex uoto etiam affluerint, non autem tibi Dei adsit munus operam perdes: & cum tempore iacturam facies impensarum, quæ quidem in nostris enigmatibus, sed absque perplexitate enigmatum cecinisse meminimus.*

*Dummodo perpetuum seruet natura tenorem,  
Dum manus artificis, dum mens nō fluxerit usquā,  
Illa enim sueuit progignere plurima monstra,  
Ignibus interdum nimijs oppressa calore,  
Interdum minimo defecta, ut frigida multo*

*Mater*

Mater Anus gestare solet sua viscera partu,  
 Et solet artificis diuersa per aua ferri  
 Mens lassata nimis, duroque intenta labori,  
 Atque hinc fessa manus deflectit tramite recto,  
 Attamen in uanum cuncta hec quaesueris ante  
 Ni uellit omnipotens, sine quo sunt irrita semper.  
 Naturæ atque artis molimina cuncta, nec ullis  
 Aut uita, aut vires possunt consistere rebus.  
 Interdumque malus Daemon se se ingerit atque  
 Omnia perturbat, ni comescatur Olympo:  
 Nam memini, memini in fuluum mutarier atra,  
 Ordine naturæ transuerso, iamque metallum  
 Effugere ex oculis, res est non falsa renidens,  
 Et calcè flammæ victtricem tendere in auras  
 Ignibus exiguis paruoque affata uapore  
 Disperijt subito, in tenues euasida uentos  
 Mirabar, causamque simul scrutabar Olympo,  
 Cum lux affulsit menti caligine pulsa,  
 Namque crucis signum pepulit ludibria nigri  
 Ditis, & in priscum res est renouata vigorem,  
 Tantus honor nostro est, & tanta potentia regi,  
 Qui genus humanum ligno seruauit ab alto,  
 Qui si orsis adstet placidus, si cæpta secundet,  
 Plus tibi tu adijcies solers, utriusque metalli  
 Illiricæ, quam quod dederant tibi Roma cauernæ,  
 Quam quod Callaicis effoderat Astur in antris,  
 Nec

*Nec post hac regis phrygi miraberis aurum.*

*Proinde non inutiliter, quod ante dixi repetam, neque enim doceri satis possunt ignari, nec peruicaces superfluo commoneri. Non inutiliter inquā repetā non posse hinc artis uituperatores sarcire calumniā. Nam quēadmodū nec agricolationi, nec medicinē prudens obnunciaueris ob ammissum prouentum agri, & ob id quod egri moriantur, cum non ab arte solum, sed à natura & à diuino decreto præcipuis causis id planè dependerit, sic nec ab auro & argento faciendo abhorueris ob effectus interdū irritos, aut minus uberes. Artis enim præcepta non æterna sunt, nec omnibus firmata numeris. Cur igitur necessariam primæuamque artem agricolendi cum inanis est quandoque redditus non calumniaris? nec reijcis utilem non minus quam veterē medendi corporibus humanis, facultatem, cum nō prodest? Nempe quod noris frustrari diuersis ex causis promissis ab illis effectus frequenter posse., docta & fortassis ab ipsarum artium scriptore Cornelio. Vt enim ait alimenta sanis corporibus agricultura, sic sanitatem agris medicina, promittit. Non præstari inquit alimenta, nec sanitatem, sed promitti prudentissime id quidem ob effectus interdum irritos, non secus pollicetur chemice professor artis aurum & argentum. An confidentior ipse in auro faciundo fuerit quam Hippocrates in reducenda prospera ualitudine, cuius est sententia, experimentum ple-*

*num*

num esse periculi. Quandoquidem nec malagmata profunt semper quæ profutura scripsit antiquitas, neq; simplicia medicamenta præstant semper, quæ pollicentur: Neq; medicorum etiam collegia ne non moriatur eger, cui adsistunt semper effecere, tamen si sanitatē sepe spoponderint. Adde paucorum esse sublimem illum apicē faciendi auri magna pondera parua cū impensa. Nam peculia ri Dei dono rarissimis id est concessum, ut propterea pluri mū intersit, multum conficias auri, multo cum lucro. Nā parum fecisse quid refert? Ad solam speculationem id tantum pertinet ut agnoscatur id esse uerum, quod inter se metalla uertuntur. Ad diuitias nihil & magnarū rerum effectus, etiam si sexcentis queas modis aurum parare: sunt enim qui uix possunt impensas tolerare, sunt qui senserint detrimenta, sunt qui statum non habeant, & fixum ordinem, sed uarium, ut hinc dissoluere facile possis questionem vulgi sciscitantis identidem. Cur egeāt se penumero, qui aurum se se facere posse non diffitentur, in promptu solutio. Aut enim parum conficiunt auri, aut si multum, plurimis cum impensis, aut variant experimenta sic uti quod sepe contingit id perpetuo tenore non respondeat. Aut metus immaniorū Principū & auarissimorū perturbat, aut locus aptus deest, aut societas & famulitiū non adest. Vt omittam leuem mul torū & ineptā credulitatē cum imperitia coniunctā, & fraudulentorū artificū nequitiam uersipellē, quibus rebus  
etiam

etiam iure nequeas in artē calumnias irrorare . sed quid mirum? ex furnulis quandoque non lucrum provenire, sed sepe detrimenta, quando etiam in fodinis id sepe nostra tempestate contingerit, item vetustati . Unde illa Demetrii phalerei in quæsitores auri per terre cavernas falsa reprehensio, quod manifesta pro incertis prodigunt, nec eorum quæ scrutantur facti compotes, quæ possidebant perdidere . Verum ut adsint omnia, quæ paraueris magno studio magna impensa, quæ votis etiam omnibus concupieris, nō adsit diuinum decretum, frustra laboraueris . Videre licet in operibus nature hoc ipsum, quandoquidem in conceptibus origineque mortalium propter conditiones varias femineæ sterilitatis, inutilisque masculini seminis: plurimæ quoque esse possunt causæ, quibus fiat abortus, & præter illas est necessarium diuinę propositum voluntatis, ut in lucem prodeat infans, qui dilitescebat in utero . Quanto magis illud idem conspiciari dabitur in artis effectibus: ad summam nulla est ars nixa coniecturis, quæ semper statâ sit & immobilis, nec ulla est tam certa, tam inconcussa, quæ magna ex parte mutationi materię non sit obnoxia, omnino vero subiecta diuinę voluntati . Quæ sit tibi in auro conficiendo fauerit ab omni mentis elatione cupidineque caueto . Nunquam non formidās, ad beneficium tibi sit id concessum, an ad penam? & sepe cogitans illud Augustini . Non

minus

*minus verum quam elegans elogium. Quod multa Deus  
negat propitius, quæ concedit iratus. Quare primum*

*Deo gratias immortales habeto, & quoad fieri  
potest referto: deinde omni modestia istud*

*accipito cæleste munus, eoquæ &)*

*sanctè, & pie utere, ad*

*Sanctissimæ Trinita*

*tis, quæ unus est*

*Deus, hono-*

*rem*

*&*

*gloriam, atque ad propriam*

*& aliorum homi-*

*num utili-*

*tatem.*

*..*

*F I N I S.*

